

# REFERAT Kommunalbestyrelsi d. 29-11-2022

**Mødedato** Tirsdag d. 29. november 2022 kl. 16:00

**Mødested** Kommunalbestyrelsip ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Imigassanik aalakoornartortalinnik akuersissutit pillugit ilisimatitsissut.....	7
Aningaasanik ikisisarluni pinnguaatit pillugit ilisimatitsissut.....	10
Kommuneqarfik Sermersuumi kajumissutsimik sulisut.....	12
Nalunaarutiginnissutitut periuseq.....	15
Meeqquerivinnut utaqquisut allattorsimaffii pillugit ilisimatitsissut.....	18
Kommunimut pilersaarummut tapiliussatut siunnersuut 1A13-2 Qimerlua, Nuuk.....	22
Kommunimut pilersaarummut tapiliussatut siunnersuut 4B4-2 Inuussutissarsiuteqarfik, mittarfiup a 4A8-mi sanaartorfissagissaanissaq pillugu Nukissiorfiit suleqatigiinnissamik isumaqatigiissusiorfig 2023-mi politikkikkut ataatsimiiffissat.....	25 28 32
Ataatsimiititani ataavartuni sinniisussanik nutaanik toqqaaneq.....	34
Atuareernerup kingorna neqeroorut Aqqalummi atuisartut amerlassusaannik allannguineq.....	36
Tasiilami Paamiunilu inissialiortiterneq.....	39
2023-mi suliat pitsaassusaasa allaaserinerat.....	44
Kommunimut pilersaarummut tapiliussap 4B1-2 Naternaq inaarutaasumik akuersissutigineqarnera.	47
Ukioqatigiinngiaartumik meeqqerivik Paamiuni 2023-imut missingersuutitut ilanngunneqarnissaa 2023-mut Missingersuutit aappassaaneerineqarnerat.....	50 53
Tasiilap eqqaatalu Sermersuumi kommunitta iluani namminersortunngorsinnaanerata Tasiilami inni	57
Politikkikkut aalajangiussat ataavartinneqarnissaat pillugit siunnersuut.....	60
Lukket.....	63
Lukket.....	64
Lukket.....	65
Lukket.....	66
Lukket.....	67
Lukket.....	68
Lukket.....	69
Imaqarniliap akuerineqarnera.....	70

## **Punkt .: Saqqaa**

Avaaraq S. Olsen (IA)  
Charlotte Ludvigsen (IA)  
Juaaka Lyberth (IA)  
Uju Petersen (IA)  
Inge Olsvig Brandt (IA)  
Naya-Sophia Lyberth (IA)  
Mia Skifte Lynge (IA)  
Lone Rosengreen Pedersen (IA)  
Harald Bianco (IA)  
Justus Hansen (D)  
Poul Petersen (D)  
Inga Dóra G. Markussen (S)  
Dorthe-Marie Mogensen-Fontain (S)  
Peter Davidsen (S)  
Mala Høy Kûko (S)  
Laura Táunâjik Uitsatikitseq (S)  
Dines Mikaelson (S)  
Ken Madsen (N)  
Finn Karlsen (N)

## **Beslutning**

### **Ataatsimeeqataasut:**

Avaaraq Olsen (IA)  
Charlotte Ludvigsen (IA)  
Juaaka Lyberth (IA)  
Uju Petersen (IA)  
Inge Olsvig Brandt (IA)  
Mia Skifte Lynge (IA)  
Lone Rosengreen Pedersen (IA)  
Justus Hansen (D)  
Poul Petersen (D)  
Dorthe-Marie Mogensen-Fontain (S)  
Peter Davidsen (S)  
Dines Mikaelson (S)  
Ken Madsen (N)  
Finn Karlsen (N)  
Doris J. Jensen (S) Inga Dóra G. Markussen-mut (S) sinniisoq  
Hans Peter Poulsen (S) Mala Høy Kûko-mut (S) sinniisoq

### **Attaveqaatitigut peqataassut:**

Naya P. Lyberth (IA)  
Harald Bianco (IA)

### **Ataatsimeeqataasinnaanatik nalunaartut:**

Inga Dóra G. Markussen (S)  
Mala Høy Kûko (S)  
Laura Táunâjik Uitsatikitseq (S)

## **Punkt .: Oqaluuserisassat akuerineqarneri**

### **Beslutning**

Immikkoortoq 16 ammasuni kingulliullugu oqaluuserisassanngortinneqarpoq.

Oqaluuserisassat akuersissutigineqarput.

# Punkt .: Nalunaarutit

## Beslutning

**Borgmester Avaaraq Olsen (IA) nalunaarutai:**

### Sap. Ak. 41

**12-15. okt.:** Arctic Circle Assembly, Reykjavik-kimi ingerlanneqartoq siullermeerlunga peqataaffigaara. Session-it marluk peqataaffigaakka – qulequtarineqarput:

### **FOOD SOVEREIGNTY: SOLUTIONS IN THE ARCTIC**

#### **Oqalliseqataasut:**

- Áslat Holmberg, President, Saami Council, Norway.
- Lisa Koperqualuk, President, Inuit Circumpolar Council Canada.
- Patricia JohnstonCastle, Jane Glassco Northern Fellow, the Gordon Foundation, Canada.

### **YOUTH IN THE ARCTIC – CREATING ATTRACTIVE LIVING CONDITIONS**

#### **Oqalliseqataasut:**

- Patricia JohnsonCastle, Co-Chair, Social Justice Co-Op of Newfoundland and Labrador, Canada.
- Daniel Smirat, First Vice Chairman, Luleå Municipal Council, Sweden
- Laura Suorsa, Trainee, European Capital of Culture, Oulu2026
- UllaKirsikka Vainio, Mayor, City of Rovaniemi, Finland
- Ásthildur Sturludóttir, Mayor, Municipality of Akureyri, Iceland
- Anders Josefsson, Deputy Mayor, City of Luleå, Sweden
- Mirja Vehkaperä, Chair, City Board, Oulu, Finland; Member EU Committee of Regions
- Kenny Bell, Mayor, City of Iqaluit, Canada
- Ane Hansen, Mayor of Kommune Qeqertalik, Greenland Tikinngitsoornini pissutigalugu peqataanngitsoorpoq.

### Sap. Ak. 42

**21. okt.:** AIA immikkut ataatsimiippoq.

**22. okt.:** Maligassiuusut Show peqataaffigaara - Kalaallit Nunaanni Timersoqatigiit Kattuffiat, Paarisa aamma Elite Sport Greenland timersornep aamma peqqissutsip silarsuaani nersorniarneqarnerinik tunngaveqarpoq.

### Sap. Ak. 43

**26. okt.:** Sermeq Fondenimi siulersuisuini ataatsimiippugut – Pingaarnertut eqqartorpagut, Sermeq Puljenip matuniarneranut killiffik, aamma Projektit taperneqartut pillugit eqqartuivugut.

### Sap. Ak. 44

**1. nov.:** Oqartussaaqataanerup ullua – Ulloq Folketingimut qinersineq.

**4. nov.:** Arsarnerit Inuusuttai AHL-imi ingerlanneqarpoq, ukioq manna qulequtarineqarpoq ”Aalasa” Meeqqat ”Aalasa”-mut tunngasumik suliaqarsimasut nalilersueqataaffigaakka.

### Sap. Ak. 45/46

**10. nov.:** Suliffeqarfik Hotel Hans Egede paasisassarsiorfigalugu pulaarpara.

**11. - 19. nov.:** AIA Danmarkimi angalavoq.

**Meeqqanut Atuarfeqarnermullu Ataatsimiititami siulittaasup Juaaka Lyberth (IA) nalunaarutai:**

Kangillinnugit atuarfianni ikuallattorsimanera pillugu nalunaaruteqarpoq, taamatuttaaq angajoqqaanut alianaqisumik qitornaminnik annaasaqartunut misiginneqataanini takutillugu.

### **Suliffeqarnermut Isumaginninnermullu Ataatsimiititami siulittaasup Inge Olsvig Brandt (IA) nalunaarutai:**

Innarluutilinnut tarnikkullu nappaatilinnut Immikkoortortaqarfimmit ukioq manna inunnut innarluutilinnut sapaatip-akunneqartitsineq sivitsorlugu sapaatip-akunneri 40, 41 aamma 42 ilanngunneqarput. Inunnut innarluutilinnut sapaatip-akunneqartitsinerni najugaqatigiiffinni tamani ineqartunut sammisassaqartitsisoqarpoq, taamatuttaaq immikkoortut assigiinngitsut akornanni ataatsimoortitsisunik arlalinnik aaqqissuussivugut, isiginnaartitsisarfirmut pulaarnej, suliffeqarfinnut assigiinngitsunut pulaarnej, OCN-inik uppersaatinik tunniussineq, naggasiullugu naggataarnersiorluni nalliuttorsiutigineqarpoq.

Innarluutilinnut tarnikkullu nappaatilinnut Immikkoortortaqarfik sapaatip-akunnera 46-mi aqutsisunut tullersortinullu ulluni marlunni aqutsisunut pikkorissartitsivoq. Sulianut tunngasunik saqqummiisoqarpoq, inuttut aqutsinermik, aqutseriaatsinik, aningaasaqarnermik aqutsinermik ukiumilu tullermut takorluukkanik qulequttanik ataasiakkaarluni gruppikkuutaarlunilu suliaqartoqarpoq.

### **Meeqqanut Ilaqutariinnullu Ataatsimiititami siulittaasup tulliata Mia skifte Lyngø (IA) nalunaarutai:**

Nuummi, Tasiilamilu qimanguiit arnanik meeqqanillu piffissaq kingulleq ulikkaaqaannaavipput, pisariaqartilluarnerannik tamanna takussutissaavoq.

Meeqqat inuusuttullu ornittagaat (værested) suli maannamat ornigarneqarluartarput.

Angajoqqaarsiat tunngaviusumik pikkorissarneqarnerat oktober qaammat aamma November nammassineqarput.

Socialvagt qanoq atorineqartiginersoq nalunaarsulernikuuagut 1.oktober 2022 aallarnerfigalugu. Qaammallu siulleq takusinnaavarput socialvagt innuttaasunik atorineqarluartoq, innuttaasunik siunnersuineq, ernumassutinillu nalunaarusiorneq assigisaallu ingerlanneqarlutik.

Politiit suleqatiginerat ingerlalluarpoq, kriminalepræventive forum ingerlavoq, saniatigullu inuusuttuaqqat pinerlunniartartut politiit misissuinerat ingerlalluni, kommune suleqatigalugu ilaqutariit qanoq ikiorserneqarsinnaanersut toqqammavigalugu.

Akut handlingskæde naammassilerpoq, tassani politiit kommune-lu pinasuartoqartillugu socialvagten, tryghedspatrolje, ungerådsgiver politiit suleqatigalugit qanoq suleriuseqassanersut allaganngorlugu naapissutigisarpaat.

### **Sanarfinermut Avatangiisinullu Ataatsimiititami siulittaasup Finn Karlsen (N) nalunaarutai:**

Nuummi Mittarfiup avannaatigut aqqusinertaaq kommunip tigoqqammerpaat atulerlugu. Qullersuit asfaltillu suliarineqarnerat naammassipput, aappaagumut pilersaarutaasimagaluit.

Tasiilami (Nunaqarfii ilanngullugit) Paamiunilu (Arsuk ilanngullugu) aalisarnermut isumatiaoqatigiissitsisoqamnerpoq, Namminersorlutik Oqartussat, KNAPK, aalisarnermut piniarnermullu peqatigiiffiit, politikkikkullu aallartitat peqataaffigisaannik.

Kinguaattoorneq Kuummiit tunitsivik nutaaq alakkarneqarpoq. Tasiilami Materielgård aamma alakkarneqarpoq.

# **Punkt 1: Imigassanik aalakoornartortalinnik akuersissutit pillugit ilisimatitsissut**

## **Beslutning**

Ilisimatitsissut tusaatissatut tiguneqarpoq.

## **Bilag**

Nuummi, Paamiuni, Tasiilami aamma Ittoqqortoormiini imigassanik aalakoornartortalinnik sassaalliinissamut akuersissutinik pigisaqartut allattorsimaffiat

## Imigassanik aalakoornartortalinnik akuersissutit pillugit ilisimatitsissut

Ilisimatitsissut

SagsID.: EMN-2022-08881

Suliffeqarfimmu Kiffartuussivik – kommunaldirektøri Ole Jakobsen / OJAK

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

### Suliassamik saqqummiussineq

Kommuneqarfik Sermersuumut oqartussaqaarfiit immikkoortortaannut pilersaarut malillugu kommunimi imigassanik aalakoornartortalinnik sassaalliinnaanermut akuersissutininik pigisallit pillugit Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut ukiumoortumik ilisimatitsineq ingerlanneqartassaaq.

Kommuneqarfik Sermersuumi ullumikkut imigassanik aalakoornartortalinnik akuersissutininik pigisaqartut 92-iupput illoqarfinni imannak agguataarneqarlutik

### Nuuk

- 30 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)
- 40 type B-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaanermut akuersissut)
- 1 type E-mik akuersissutillit (§ 13, imm. 2 naapertorlugu sassaallersinnaanermut akuersissuteqarnermit ”Kommunalbestyrelsi immikkut akuersissuteqarsinnaavoq mittarfiit kioskillu akunnittarfinnullu unnuiffiusunut piffissami nal. 06.00-imiit nal. 12.00-ip tungaanut imigassanik kimittuunik kimikitsunillu sassaallersinnaanerit.”)

Katillugit akuersissutit 71.

### Paamiut

- 5 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)
- 2 type B-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaanermut akuersissut)

Katillugit akuersissutit 7.

### Tasiilaq (Annerpaamik imigassami aalakoornartup procentia 14,9)

- 7 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)
- 5 type B-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaanermut akuersissut)

Katillugit akuersissutit 12.

### Ittoqqortoormiit (Annerpaamik imigassami aalakoornartup procentia 14,9)

- 2 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)

Katillugit akuersissutit 2.

**Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppernarsaatitalit**

- Kommuneqarfik Sermersuumut oqartussa qarfiit immikkoortortaannut pilersaarut

**Siusinnerusukkut aalajangerit**

*Aningaasaqarnermut Inuussutissarsiornermullu Ataatsimiititaq, 08.11.22:*

Inassuteqaat akuersissutigineqarpoq.

*Siornatigut Kommunalbestyrelsimut ilisimatitsissutigineqarsimasut:*

- November 2020-imi akuersissutit 91-atulersineqarsimapput
- November 2019-imi akuersissutit 91-it atulersinneqarsimapput
- November 2018-imi akuersissutit 95-it atulersinneqarsimapput
- November 2017-imi akuersissutit 89-it atulersinneqarsimapput
- Oktobari 2016-imi akuersissutit 92-it atulersinneqarsimapput
- Marsi 2015-imi akuersissutit 92-it atulersinneqarsimapput
- Septembari 2014-imi akuersissutit 92-it atulersinneqarsimapput
- Oktobari 2013-imi akuersissutit 87-it atulersinneqarput

**Ilanngussaq**

1. Nuummi, Paamiuni, Tasiilami aamma Ittoqqortoormiini imigassanik aalakoornartortalinnik sassaalliinissamut akuersissutinik pigisaqartut allattorsimaffiat

## **Punkt 2: Aningaasanik ikisisarluni pinnguaatit pillugit ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommuneqarfik Sermersuumi aningaasanik ikisisarluni pinnguaatinut akuersissutinik pigisaqartut allattorsimaffiat

## Aningaasanik ikisisarluni pinnguaatit pillugit ilisimatitsissut

Ilisimatitsissut

SagsID.: EMN-2022-08835

Suliffeqarfimmut Kiffartuussivik – kommunaldirektøri Ole Jakobsen / OJAK

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

### Suliassamik saqqummiussineq

Kommuneqarfik Sermersuumut oqartussaqaarfiit immikkoortortaannut pilersaarut malillugu kommunimi aningaasanik ikisisarluni pinnguaatinik akuersissutininik pigisallit pillugit Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut ukiumoortumik ilisimatitsineq ingerlanneqartassaaq.

Ullumikkut Kommuneqarfik Sermersuumi aningaasanik ikisisarluni pinnguaatinut pisinnaatitsissutit 40-iupput tamarmillu nuummiillutik.

### Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaataatallit

- o Kommuneqarfik Sermersuumut oqartussaqaarfiit immikkoortortaannut pilersaarut

### Siusinnerusukkut aalajangernerit

*Aningaasaqarnermut Inuussutissarsiornermullu Ataatsimiititaq, 08.11.22:*

Inassuteqaat akuersissutigineqarpoq.

### Ilanngussat

1. Kommuneqarfik Sermersuumi aningaasanik ikisisarluni pinnguaatinut akuersissutininik pigisaqartut allattorsimaffiat

## **Punkt 3: Kommuneqarfik Sermersuumi kajumissutsimik sulisut**

### **Beslutning**

Ilisimatitsissut tusaatissatut tiguneqarpoq.



## **Kommuneqarfik Sermersuumi kajumissutsimik sulisut**

Kajumissutsimik sulineq – Kivitsisuvugut aamma piujuartitsilluni ineriartornermut ilaatinneqarpoq

Ilisimatitsissut

SagsID.: EMN-2021-10173

Suliffeqarfimmut Kiffartuussivik - vicekommunaldirektøri Marie Fleischer / MAFL

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Kommunimi suliffinni qaammammut akunnerit marluk atorlugit kajumissutsimik sulineq ingerlatariniarlugu allaffissornikkut atorfillit kommunimit sulisinneqartarput.

Kommuneqarfik Sermersuumi suliffeqarfimmi ileqquliussassaq Kivitsisuvugut ingerlatarivarput, soorlutaaq nunarsuarmi anguniakkatut periusissivut atorlugit kommune tamakkerlugu ataatsimoorussassaatus tamakkiisumik piujuartitsinermik ineriartortitsineq ingerlatarigipput.

Suliniut "Kommuneqarfik Sermersuumi kajumissutsimik sulisut" atorlugu Kommuneqarfik Sermersuumi atorfillit ataatsimoorussillutik tulluusimaruutigisaminnillu innuttaasut suleqatitillu ikorfartussavaat.

### Suliniutip siunertaa tassaavoq

Suleqatit ikorfartorneritigut suliassa qarfiillu akimorlugit suleqatigiinnikkut atugarissaarneq tulluusimaaruteqarnerlu annertusarniarlugit kajumissutsimik sulineq kommunip iluani kommunimi sulisut atorineqartarput.

Kommunimi sulisut ulluinnarni suliarineq ajukkaminik suliqaartinneqarlutik innuttaasut ikiortarpaat inuunerannut pitsanngorsaataasumik akisussaaffiinillu annertusaataasumik.

### Iluanaarutit

Kajumissutsimik suliqaarneq ataasiakkaanut, innuttaasunut, suliffeqarfimmut iluanaarutaasussaavoq aamma Kommuneqarfik Sermersuumi sulisutut tulluusimaarutaavoq. Kajumissutsimik sulinikkut Kivitsisuvugut piujuartitsisumillu ineriartortitsineq ikorfartorneqarput, soorlutaaq Kommuneqarfik Sermersooq suliffeqarfittut pilerinartutut taamaaliornikkut ussassaarutigineqarsinnaalluni.

### Kajumissutsimik suliqaartutut pineqartut

Allaffissornikkut suliqaartut, assersuutigalugu Suliffeqarfimmut Kiffartuussivimmi, tamanik kiffartuussisut assigisaaluunniit. Tassa imaappoq peqqinnissaqarfimmi sulisut, perorsaasut, isumaginninnermi siunnersortit assigisaallu toqqaannartumik innuttaasunik attaveqarlutik suliqaartut kajumissutsimik suliqaarnermik ingerlataqartinneqassanngitsut.

### Annertussusia

Kommunimi suliffinni innuttaasunik toqqaannartumik sullissisuusut (isumassuineramik suliqaartut) kajumissutsimik suliqaarnermut qaammammut akunnerit marluk atorineqarnissaat.

Kajumissutsimik suliqaarnermi ingerlatsineq namminerlu suliarisassat eqqarsaatigineqassapput aamma ulluni suliffimmiittariaqarfiusuni ulapaarfiusuniluunniit pisortarisaq naaggaarsinnaasariaqassaaq.



### Kommunimi illoqarfiit nunaqarfiillu tamarmik

Nuummi sumiiffimmi aalajangersimasumi misiligutitut aallartisarneqarluni.

### Suliniutip aallartisinneqannginnerani paasiniagassat inississorneqaaqqaassapput

Kajumissutsimik suliaqarnermut isumassarsiorfik; Kajumissutsimik suliaqarneq pillugu inatsisit maleruagassallu; Isumaqatigiissutit pisussaaffiillu; Peqatigiiffinnut, NGO-nut allanullu kajumissutsimik suliaqartunut sanilliullugu immikkoorutit.

### **Ingerlatsivimmit aningaasatigut sulisoqarnikkullu naliliinerit**

Suliassap aallartisarnissaanut, ingerlannissaanut ineriartortinnissaanullu ataqatigiissaarisussamik atorfinitsitsineq. Ataqatigiissaarisoq allanittaaq suliaqarsinnaavoq, ilaatigut kommunimi sulisut eqqarsaatigalugit atugarissaarnej peqqinnissarlu eqqarsaatigalugit kommunip siunertaqarnerani, matumani nunarsuarmut siunertani 3 innersuussutigineqarpoq. Atorfik pineqartoq Suliffeqarfimmut Kiffartuussivimmi Aaqqissuussaanermut Ineriartortitsinermullu immikkoortumiitinneqassaaq.

Tamatuma saniatigut kajumissutsimik suliaqarneq qaammammut akunnerit marluk atorlugit kommunimi suliffimmi toqqaannartumik innuttaasunik sullissisunit ingerlatsinissamut kiisalu katersuutsitsinernut/pikkorissartitsinernut/workshoppertitsinernut sulisullu kajumissutsimik suliaqarnerisa naliliiffiginissaannut piffissaqarnissaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaaitallit**

- Kommuneqarfik Sermersuumi piujuartitsilluni ineriartorneq pillugu nunarsuarmut anguniakkatut periusissiaq

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititap, 18.08.22:*

Ilisimatitsissut tusaatissatut tiguneqarpoq.

### **Ilanngussat**

Soqanngilaq.

## **Punkt 4: Nalunaarutiginnissutinut periuseq**

### **Beslutning**

Ilisimatitsissut tusaatissatut tiguneqarpoq.

### **Bilag**

Nalunaarutiginnissutip ingerlasarnera



## Nalunaarutiginnissutitut periuseq

Meeqqanut Ilaqutariinnullu Ingerlatsivimmi nalunaarutiginnissutitut suliaqarnermut periuseq atuuttoq

Ilisimatitsissut

SagsID: EMN-2020-29028

Meeqqanut Ilaqutariinnullu Ingerlatsivik - pisortaq Martha Abelsen / MRBL

### Inassuteqaat

Aningaasaqarnermut Inuussutissarsiornermullu Ataatsimiititami Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

### Suliassamik saqqummiussineq

Meeqqanut Ilaqutariinnullu Ingerlatsivimmit ataatsimut tunngaviumik nalunaarutiginnissutitut tigusaqarnermi nalunaarutiginnissutitut suliaqarnermi periusissaq qulakkeerumallugu matumuuna saqqummiunneqarpoq. Ilanngussaq 1-mi allaaserisamat ikorfartuutaavoq, tassani periusissaq takuneqarsinnaalluni.

Innuttaasut pisortanilu oqartussat, meeraq pillugu ernummateqartoqarpat Meeqqanut Ilaqutariinnullu Ingerlatsivimmut nalunaarutiginnissinnaapput. Oqarasuaatikkut, nammineq takkunnikkut [Meeqqavut@sermersooq.gl](mailto:Meeqqavut@sermersooq.gl) -mut allakkatigulluunniit tamanna pisinnaavoq. Qarasaasiakkut allakkanik nakkartitsivik ullup unnuallu ingerlanerani minnerpaamik ataasiarlugu imaarneqartarpoq - aamma sapaatini nalliuttunilu.

Nalunaarutiginnissummik tigusaqarnermi nassiussisumut, nalunaarutiginnissutitut tiguernerut uppersaat nassiunneqassaaq. Meeraq illersorniarlugu, nassiussisoq meeraq pillugu sulianik pisinnaatitaanngilaq, aallaaviatummi nassiussisoq meeqqamut tunngasuni illuatungiliuttuunngilaq. Nalinginnaasumik inunnik isumaginninnermi pigaartuusup nalunaarutiginnissutitut suliffiusussap avataatigut tiguneqartut suliarisarpai.

Nalunaarutiginnissutitut tiguernerani pigaartuusooq akunnerit 24-t iluanni makku pillugit aalajangiissaaq:

1. Meeraq pillugu nalunaarutiginnissutaappat, angajoqqaatullu oqartussaasoq kommunimi allami najugaqarpat, nalunaarutiginnissut tassunga ingerlateqqinneqassaaq

2. Kommuneqarfik Sermersooq meeqqamut iliuuseqartuuppat, suliamik suliarinnittup nalunaarutiginnissut suliatigut nalilersussavaa. Suliaq meeqqamut tunngasoq ammasuuppat, nalunaarutiginnissut meeqqap sag-ianut ilineqassaaq, suliamillu suliarinnittoq ilisimatinneqarluni. Suliamik meeqqamut tunngasumik soqanngippat, nalilersorneqassaaq:

2a. Ilaqutariit kaammattorlugit siunnersuutitut ilitsersuutinillu oqaloqatigineqartassanersut

2b. Inunnik isumaginninnermi suliatigut misissuineq aallartinneqassaaq, itisiliinerusumik, meeqqap pissusilersuutaanik peqqissusianik, ilaqutariinnut tunngasumik aamma inissisimanerannik, atuarfimmut tunngasunik ilaalu ilanngullugit nalilersuisoqarluni. Tamakku tunngavigalugit meeqqamut pilersaarut ineriartortinneqassaaq, iliuusissatut innersuutigineqarluni. 2a. aamma 2b.



naapertorlugit angajoqqaat meerarlu qanoq ingerlariaqqittoqarnissaa pillugu oqaloqatiginissaannut qaaqquneqassapput

2c. Iliuuseqartoqassanngippat, suliaq matuneqassaaq. Nalunaarutiginnissut meeqqap innuttaasutut mappianiitineqassaaq takuneqarsinnaasoq

3. Nalunaarutiginnissutit nakuusernermut, paarsinerlunnermut, innarliinerit meeqqamulluunniit sioorasaarinerit pineqarpata, inunnik isumaginninnermi misissuinerit ikiorsiigallarnerlu ingerlaannaq aallartinneqassapput imaluunniit akunnerit 24-t iluanni aallartinneqarlutik. Taama pisoqartillugu pisoq politiinut nalunaarutigineqassaaq, pinartumillu iliuuseqarneq aallartinneqarluni. Inunnik isumaginninnermi misissuineq ingerlanneqassaaq *peqatigitillugu* iliuusissaaq aallartinneqarluni

Aallaaviatigut ingerlatsiviup iliuuserisinnaasai aallartinneqassapput, nalunaarutiginnissutit taama itutt tunngavigalugit. Tassani pineqanngitsut tassatuaapput peqqissaasoq aamma juumooq taakkua Ivaq-mi Siusissukkut Iliuuseqarnermut angajoqqaanik *innersuussisnaapput*. Taama pisoqaraangat ingerlatsivik ilisimatinneqartarpoq, qulaani nalunaarutiginnissummik periuseq atorlugu iliuuserisassanik allanik ingerlatsivik nalilersuisinnaaqqullugu.

Suliap ingerlaneranut tunngatillugu iliuusissamik aallartitsineri aallarniutitut ataatsimiigiaqqusisoqassaaq, iliuusissallu aallartinneqarneranit killiffik pillugu qaammatit pingasukkaarlugit ataatsimiittoqartassaaq. Taakku saniatigut ilaqutaasut suliatigullu attaveqatigiit akuutillugit ataatsimiittoqartarsinnaavoq. Taassuma saniatigut ingerlatsivik suleqatigiiaanik ataatsimiisitsisarpoq. Tassani angajoqqaat, atuarfimmit aamma suliamik sularinnittoq ataatsimiissapput, meeraq pillugu nalunaarutiginnissummik nalunaarsuisoqareernerani.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaaq allakkallu tunngaviumik uppernarsaatillit**

- Meeqqanut ikiorsiisarneq pillugu Inatsisartut inatsisaat nr 20, 26. juni 2017-imeersoq
- Pisortat ingerlatsineranni suliassat sularineqartarnerat pillugu Inatsisartut inatsisaat nr. 8, 13. juni 1994-imeersoq

### **Siusinnerusukkut aalajangiinerit**

*Meeqqanut Ilaqutariinnullu Ataatsimiititaq, 27.10.22:*

Ilisimatitsissut tusaatissatut tiguneqarpoq, ima ilassuteqaatitalerlugu: suliaq Aningaasaqarnermut Inuussutissarsionermullu ataatsimiititaliamut aammalu kommunalbestyrelsimut ilisimatitsissutitut ingerlateqqinneqassasoq.

*Aningaasaqarnermut Inuussutissarsionermullu Ataatsimiititaq, 08.11.22:*

Inassuteqaat akuersissutigineqarpoq.

### **Ilanngussat**

1. Nalunaarutiginnissutit ingerlasarnera

## **Punkt 5: Meeqquerivinnut utaqqisut allattorsimaffii pillugit ilisimatitsissut**

### **Beslutning**

Ilisimatitsissut tusaatissatut tiguneqarpoq.

## Meeqqerivinnut utaqqisut allattorsimaffii pillugit ilisimatitsissut

Ilisimatitsissut

SagsID: EMN-2022-07809

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Aningaasaqarnermut Inuusutissarsionermullu Ataatsimiitap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 8, imm. 3 naapertorlugu qinnuteqartut tamarmik kommunimi meeqqerivinni aamma angerlarsimaffimmi paarsisartuni inissaqanngippata kommunalbestyrelse utaqqisut allattorsimaffiannik pilersitsinissaq pisussaaffigaa.

Kommunimi utaqqisut allattorsimaffiisa kvartalit pingajuanni 2022-imi septembarip 6-ianni killiffiat tassaavoq, kommune tamakkerlugu meeqqerivinnut, angerlarsimaffimmi paarsisartunut aammalu atuartut sunngiffimmi ornittagaannut (AKO/FRO/SPO) meeqqat 216-it utaqqisuutigineqartut. Meeqqat 216-it utaqqisuutigineqartunit 183-it Nuummi utaqqisut allattorsimaffianniippat, tassalu kommune tamakkerlugu utaqqisut 84%-iisa amerlaqataat.

### Takussutissaq 1: Septembarip 6-ianni 2022-mi utaqqisut allattorsimaffii imatut isikkoqarput

Sumiiffik	Meeraaqq eriviit	Meeqqe riviit	AK O	FR O	Atuarfinni paaqqinniffiit	Angerlarsimaffimmi paaqqinnittoqarneq/ Nunaqarfinni neqeroorutit	Angerlarsim affinni meeqqanik paarsisartut	Katillugit
Nuuk	120	25	18	19			1	183
Paamiut	0	0			0			0
Tasiilaq	9	1			4			14
Ittoqqortoormiit	2	0			0			2
Kapisillit					0	0		0
Qeqertarsuatsiaat					0	1		1
Arsuk						0		0
Kulusuk						6		6
Tiilerilaaq						3		3
Kuummiit						2		2
Sermiligaaq						1		1
Isertoq						4		4
<b>Katillugit</b>	<b>131</b>	<b>26</b>	<b>18</b>	<b>19</b>	<b>4</b>	<b>17</b>	<b>1</b>	<b>216</b>

*Boksip qasertup neqeroorutip sumiiffimmi pineqartumi neqeroorutaannginnera takutipkaa.*

Nuummi utaqqisut allattorsimaffianni meeqqanit 183-init 120-t meeraaqqerivimmuut utaqqisuupput. Siornamut sanilliullugu meeqqat Nuummi meeraaqqerivimmuut utaqqisut allattorsimaffianniittut ikileriaateqarsimapput, siorna kvartalit pingajuani kisitsisini meeqqat 165-ippat. Meeqqat meeraaqqerivimmuut utaqqisut allattorsimaffianniittut ikileriaateqarnerat nutaamik februaarimi 2022-

mi ukioqatigiinngitsunut meeqqeriviup Maligiap ammarneqarneranik nassuiarneqarsinnaavoq ammaanermi meeraaqpat katillugit 60 meeraaqqerivimmiissinnaammata.

Meeraaqqerivinnut utaqquisut tamaasa eqqarsaatigalugit utaqquisut allattorsimaffiinnut tunngatillugu, ingerlatsiviup siullermik erseqqissaatigissavaa, utaqquisut allattorsimaffiini allatsissimasut amerlassusaat ukiumiit ukiumut aammalu ukiup qanoq ilineraniit ukiup qanoq ilineranut allangorarsinnaasarmata. Ataatsimut isigalugu, Nuummi utaqquisut allattorsimaffii septembarimiit meeqqat atualinnginnerminni AKO-nut nuukkiartornerat ilanngullugu ukiup tulliani amerlanerusarput.

Tamatuma saniatigut Meeqqanut Atuarfeqarnermullu Ingerlatsiviup pissutsit assigiinngitsut, Nuummi pingaartumik meeraaqqerivinnut utaqquisunut allattorsimaffiup sooq taamatut isikkoqarnera pillugu, nassuiaataasinnaasut taasinnaavai. Tamanna ilaatigut innuttaasut illoqarfinniit, nunaqarfinniit kommuniniit imaluunniit nunanit allaniit Nuummut nuuttarnerannik kiisalu ilinniareerlutik Nuummut uteqqittarnerannik pissuteqarsinnaavoq. Tamatumunnga aamma innuttaasut amerliartornerat utaqquisut allattorsimaffiannik annertusaaqataavoq. Utaqqisut allattorsimaffii pillugit aamma alla pissutaasoq tassaavoq utaqquisut allattorsimaffii amerlavallaartunik utaqquisuuteqarnerannik arlalitsigut ajornartorsiuteqalersinnaanerat. Taamatut pisoqartarpoq assersuutigalugu meeraaqqerivimmi meeraq meeqqalluunniit meeqqerivimmut nuunnissaminnut piareerneranni kisiannili meeqqerivimmi meeraaqqerivimmut akiliunneqarluni inissanik peqanngikkaangat. Assersuutigalugu meeqqat meeraaqqerivimmiittut meeqqerivimmi inissaqalernissaasa tungaanut meeraaqqerivinnut utaqquisut allattorsimaffinneereersut inissaannik tigusillutik.

Meeqqanut Atuarfeqarnermullu Ingerlatsiviup utaqquisut allattorsimaffii qaammatikkaartumik malinnaaffigisarpai, utaqquisullu allattorsimaffiini allatsissimasut ikilisartuarnissaat ataavartumik sulissutigisarlugu, pingaartumik Nuummi meeraaqqerivinni inissanut ulluunerani neqeroorutitut tunngasortaa. Tassunga ilanngullugu aamma Nuummi utaqquisunut allattorsimaffimmiittut ikileriaateqarnissaat Ingerlatsiviup naatsorsuutigivaa, Nuummi atuarfissap nutaap eqqaani ulluunerani paaqqinnittarfissaq nutaq ammarneqarneratigut. Ulluunerani paaqqinnittarfik taanna nutaq ataatsimut isigalugu meeraaqqanut 36-nut meeqqanullu 60-inut inissalittut naatsorsuussaavoq.

Utaqqisut allattorsimaffianni amerlanerpaat tullianiippat meeqqerivinnut utaqquisuutigineqartut, taakkununga kommune tamakkerlugu 26-t utaqquisuutigineqarmata. Nuup avataatigut kommunimi meeqqat utaqquisuutigineqartut killeqarput, taamaakkaluartoq meeqqat Tasiilami paaqqinnittarfinnut assigiinngitsunut utaqquisuutigineqartut 14-iupput.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfirmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq

### **Siusinnerusukkat aalajangiinerit**

*Meeqqanut Atuarfeqarnermullu Ataatsimiititaq, 12.10.22:*

Ilisimatitsissut tusaatissatut tiguneqarpoq.



*Aningaasaqarnermut Inuussutissarsiornermullu Ataatsimiititaq, 08.11.22:*  
Ilisimatitsissut tusaatissatut tiguneqarpoq.

**Ilanngussat**  
Soqanngilaq.

## **Punkt 6: Kommunimut pilersaarummut tapiliussatut siunnersuut 1A13-2 Qimerlua, Nuuk**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommunimut pilersaarummut tapiliussatut siunnersuut 1A13-2 Qimerlua, Nuuk

## **Kommunimut pilersaarummut tapiliussatut siunnersuut 1A13-2 Qimerlua, Nuuk**

Ilisimatitsissut

SagsID: EMN-2022-02396

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A13-2 Qimerlua, Nuuk, matumuuna saqqummiunneqarpoq.

Pilersaarusionerfigineqartoq 1A13 5,2 ha-it missaannik isorartussuseqartoq Nuup qeqqaniippoq. Kommunimut pilersaarummut tapiliussami 1A13-2 immikkoortup nunataa kiisalu pingaarnertut atuuffia inissianut siunertanut attatiinnarneqarpoq, taamaattorli immikkuualuttut marluk atugassiissutigineqarput. Immikkuualuttoq A, kitaatungaaniittoq, inissianut siunertanut, tassunga ilanngullugu kollegianik ilinniartunullu inissianik, sanaartornissamut aalajangersimasumik periarfissiisoqarpoq. Immikkuualuttoq B, kangimut sammisumik, Qimerluata eqqaani inissianut pioreersunut.

Siunnersuut tamanut tusarniaassutigineqassaaq sap. ak. 6-ini.

Matumani Kommunimut pilersaarummut tapiliussassatut siunnersuutip 1A13-2-p akuersissutigineqarneratigut 1A13-1 atorunnaarsinneqassaaq.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- o Pilersaarusionerfigineq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- o Inatsisartut inatsisissaat nr. 34, 9. december 2015-imeersoq
- o Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkut aalajangiinerit**

*Sanarfinermut Avatangiisinullu Ataatsimiititaq, 06.10.22:*

Inassuteqaat akuersissutigineqarpoq.

Uju Petersen (IA)-ip ataatsimiittarfimmiit anigallarpoq.

*Aningaasaqarnermut Inuussutissarsiornermullu Ataatsimiititaq, 08.11.22:*

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 1A13-2 Qimerlua, Nuuk tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq



Inassuteqaat akuersissutigineqarpoq.

### **Ilangussat**

1. Kommunitumut pilersaarummut tapiliussatut siunnersuut 1A13-2 Qimerlua, Nuuk

## **Punkt 7: Kommunimut pilersaarummut tapiliussatut siunnersuut 4B4-2 Inuussutissarsiuteqarfik, mittarfiup avannamut kangiunganiittoq, Nuuk**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommunimut pilersaarummut tapiliussatut siunnersuut 4B4-2, Inuussutissarsiuteqarfik, mittarfiup avannamut kangiunganiittoq, Nuuk



## **Kommunimut pilersaarummut tapiliussatut siunnersuut 4B4-2 Inuussutissarsiuqarfik, mittarfiup avannamut kangiatungaaniittoq, Nuuk**

Ilisimatitsissut

SagsID: EMN-2022-07334

Sanarfinermut Avatangiisinullu Ingerlatsivik - pisortaq Hans Ulrik Skifte/ HUTS

### **Inassuteqaat**

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B4-2 Inuussutissarsiuqarfik, mittarfiup avannamut kangiatungaaniittoq, Nuuk, matumuuna saqqummiunneqarpoq.

Immikkuualuttoq 4B4-mi killiliussaq allanngortissaaq, tamannalu immikkuualuttunut 4E2-mut aamma 4D9-mut sunniuteqassaaq. Immikkuualuttoq 80 ha. miss. annertussuseqalissaaq. 4B4-mi nunami Nuup Kangerluata tungaanut avammut sammisumi sivinganeq, Quassussuaq tunuatungeralugu ilaapput. Immikkuualuttumi aqqusiniliortoqarnikuuvoq, kisiannili 4B4 sanaartorfiunngilaq.

Immikkuualuttup atorineqarnera inuussutissarsiutinut kiisalu peqatigiiffinnut siunertanut aalajangersarneqassaaq, taakkununga nunaminertat maannakkut amigaataapput. Sukisaarsaarluni aqquteeqqat, immikkuualuttumiittut, immikkoortumi aqqutiliornikkut qulakkeerneqassapput.

Immikkoortumi isertitsivik kisimi illuuvoq, tamannalu illuliortaatsikkut naleqaaq. Taamaasilluni kommunimut pilersaarummut tapiliussamut siunnersuummi matumani immikkoortumeereersut sanaartukkallu nutaat ataqatigiinnissaat qulakkeerniarlugu aalajangersakkat suliarineqarput.

Ingerlatsivimmit malugeqquneqarpoq sanaartorfissiat aatsaat makitsissutigineqassammata mittarfittaap qaqugu atorineqalernissaa ilisimaneqalerpat, immikkoortumi sanaartornerup mittarfiliorneq kinguartissanngimmagu.

Siunnersuut sapaatip-akunnerini arfineq-pingasuni tamanut tusarniaassutigineqassaaq. Matumani Kommunimut pilersaarummut tapiliussassatut siunnersuutip 4B4-2 akuersissutigineqarneratigut kommunimut pilersaarummut tapiliussaq 4B4-1 atorunnaarsinneqassaaq.

### **Ingerlatsivimmit aningaasatigut sulisoqarnikkullu naliliinerit**

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppersaatitallit**



- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunitumut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkut aalajangiinerit**

*Sanarfinermut Avatangiisinullu Ataatsimiititaq, 06.10.22:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 08.11.22:*

Sanarfinermut Avatangiisinullu Ataatsimiititaq Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunitumut pilersaarummut tapiliussassatut siunnersuut 4B4-2, Inuussutissarsiuqarfik, mittarfiup avannamut kangiatungaaniittoq, Nuuk tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

### **Ilanngussat**

1. Kommunitumut pilersaarummut tapiliussassatut siunnersuut 4B4-2, Inuussutissarsiuqarfik, mittarfiup avannamut kangiatungaaniittoq, Nuuk

## **Punkt 8: 4A8-mi sanaartorfissagissaanissaq pillugu Nukissiorfiit suleqatigiinnissamik isumaqatigiissusiorfigineqarnerat**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommuneqarfik Sermersuup aamma Nukissiorfiit 4A8-mi aamma 4C3-mi sanaartorfissagissaanissamik  
suleqatigiinnissamik isumaqatigiissutaat

Sanaartorfissagissaanermut A-mik missiliuut

Kommunimut pilersaarummut tapiliussaq 4A8-1\_Ningitsivik

Kommunimut pilersaarummut tapiliussaq 4C3-1\_Ningitsivik



Nukissiorfiit tapiissutaat pingasunngorlugu agguarlugu tiguneqassaaq, imaalillugu siunnersuutigineqarluni:

- 2022:.....	4.448.250 kr.
- 2023:.....	4.448.250 kr.
- 2024:.....	988.500 kr.

NCD isumaqatigiissusioereeraluartoq Nukissiorfiit aamma Kommuneqarfik Sermersuup akornanni isumaqatigiissutigineqassaaq, tamanna pillugu isumaqatigiissut Kommuneqarfik Sermersuumi pisinnaatitsissutit agguataarneqarnerinut pilersaarut naapertorlugu politikikkut akuersissutigisassanngorlugu saqqummiunneqarpoq. Isumaqatigiissummi aamma sumiiffik 4C3 ilaavoq, tassanili pilersaarusiornissamut qinnuteqaat tiguneqarsimavoq, pilersaarusiornermillu piginnittup sanaartorfissagissaanermi aningaasartuutit nammineq akilissallugit. Pilersaarusiornissamut qinnuteqaat Kommunalbestyrelsip ulloq februaarip 22-anni 2022 akuersissutigaa, pilersaarummilu tullinnguutissalluni pilersaarummik piginnittup kommunimut pilersaarummut tapiliussaliornissaa, taannalu politikikkut saqqummiunneqassaaq. Taamaalilluni isumaqatigiissummi suliaassartaa pineqartoq tassaalluni 4A8-mi sanaartorfissagissaaneq.

Nukissiorfiit sanaartorfissagissaanermut aningasanut inatsisikkut tapiissutinik ukiuni kingullerni appaavigineqarnikuunertik pillugu sanaartorfissagissaanermut atugassaat killeqarput, taamaalilluni Nukissiorfiit aningaasanut inatsimmi atorsinnaasaat naapertorlugu annertussusilerneqarpoq, 9.885.000 kr. Tamannalu pingaarnertut agguataariaatsimit allaaneruvoq, sanaartortitsisunut ataasiakkaanut sanaartugassaatitik nammineq akilertussaammattigit. Agguataariaaseq naapertorlugu imaattussaagaluarlutik Kommuneqarfik Sermersooq 22,3 mio. kr. miss. aamma Nukissiorfiit 17,3 mio. kr., tamannali pisinnaanngilaq Nukissiorfiit aningaasanut Inatsimmit aningaasaliiffigineqartarmat. Nukissiorfiit aningaasat atorsinnaasaat killeqarmata agguataariaaseq ukiuni kingullerni atorneqanngilaq.

Kommuneqarfik Sermersooq Nukissiorfiit sinnerlugu sanaartorfissagissaanermik isumaginnittuunissamut kingornalu sanaartorfissagissaasimanermut nalinginnaasumik akiligassanngortitsinissamut inatsisitigut tunngavissaqarpoq, tassa Kommuneqarfik Sermersuup aningaasartuutini nunaminertanik makitsisoqareernermi akiligassiissutigisarpai, Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq innersuussutigalugu. Taamaalilluni Kommuneqarfik Sermersuumut piffissap ingerlanerani aningaasaajaataassanani, taamaattorli nunaminertat makitsissutigineqanngippat allaalluni, maannakkullu nalorninarloqalaartoq nalilerneqarpoq. Tamatuma kingunerisaanik aningaasatigut atorsinnaasatigut artukkiisitsissaaq, taamaattumillu Nukissiorfiit isumaqatigiissusiorfiginerisigut tamanna pinngitsoorniarneqarluni. Sanaartorfissagissaanermut akiliummut tunngatillugu Nukissiorfiit kommunimut akiligassaannik akiliisitsisoqassanngilaq. Isumaqatigiissut akuersissutigineqassasoq ingerlatsivimmit innersuussutigineqarpoq.

### **Ingerlatsivimmit aningaasatigut sulisoqarnikkullu naliliinerit**

Isumaqatigiissut piffissap ingerlanerani sanaartorfissagissaanermut akiligassanngortitsisoqarneratigut Kommuneqarfik Sermersuumut aningaasartuutaassanngilaq. Akerlianilli isumaqatigiissut kommunip 2022-2024-mi aningasat tigorianaanaatanut iluaqutaassaaq, isumaqatigiissummi aningaasat annertussusii kommunip aningaasanut tigorianaanaatanut iluaqutaassammata:

- 2022:.....	4.448.250 kr.
- 2023:.....	4.448.250 kr.
- 2024:.....	988.500 kr.

Isumaqatigiissut itigartinneqassappat kommunip aningaasanut tigorianaanaataanut sunnuteqarnerlussaaq, isertitassammi aatsaat 2024-miit isertinneqarsinnaalissapput, kingusinnerusukkullu isumaqatigiissutaasullu naapertorlugit nunaminertat makitsissutigineqarata.

### **Suliffeqarfimmuk Kiffartuussivimmit aningaasatigut naliliineq**

Suliffeqarfimmik Kiffartuussivimmiit oqaatigineqassaaq, kommunimi suliaasat pingaarnerit nalinginnaasut aningaasaqarnikkut imminut napatitsisumik ingerlasartut pineqarput, naak kommunip aningasatigut atorsinnaasaatigut akilernerqaqqaartaraluartut. Tamatuma saniatigut ingerlatsiviup naliliinera Suliffeqarfimmik Kiffartuussivimmi isumaqatigineqarpoq.

### **Inatsisitigut tunngavissaq allakkallu tunngaviusumik uppersaaitallit**

- Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq
- Kommuneqarfik Sermersuumut piginnaatitsinermik agguataarinissamut pilersaarut

### **Siusinnerusukkat aalajangerit**

Aningaasartuutit 2 mio. kr.-nik ilaneqarnissaat politikikkut siusinnerusukkat oqaluuserineqarpoq: Aningaasaqarnermut Inuussutissarsiornermullu Ataatsimiititami marsip 17-ianni 2022-mi Sanarfinermut Avatangiisinullu Ataatsimiititami februaarip 24-anni 2022-mi Inassutigineqartoq akuersissutigineqarpoq.

*Sanarfinermut Avatangiisinullu Ataatsimiititaq, 06.10.22:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 08.11.22:*

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Nukissiorfiit (Ilanngussaq 1) 4A8-mi aamma 4C3-mi sanaartorfissagissaanissamik isumaqatigiissuteqarfigineqarnerat akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

### **Ilanngussat**

1. Kommuneqarfik Sermersuup aamma Nukissiorfiit 4A8-mi aamma 4C3-mi sanaartorfissagissaanissamik suleqatigiinnissamik isumaqatigiissutaat
2. Sanaartorfissagissaanermut A-mik missiliuut
3. Kommunimut pilersaarummut tapiliussaq 4A8-1\_Ningitsivik
4. Kommunimut pilersaarummut tapiliussaq 4C3-1\_Ningitsivik

## **Punkt 9: 2023-mi politikikkut ataatsimiiffissat**

### **Beslutning**

Inassuteqaat akuersissutigineqarpoq, imatut ilassuteqaatitalerlugu:

- Pisariaqartitsineq aallaavigalu oqarasuaatsikkut ataatsiminnissaq ingerlanneqartassaaq.
- Kommunalbestyrelsen Paamiuni ataatsimiinnissaanut periarfissat aammalu akit misissorneqassapput, Aningaasaqarnermut Inuusutissarsiornermut Ataatsimiititammullu saqqummiunneqarlutik.

### **Bilag**

2023-mi politikikkut ataatsimiiffissatut siunnersuutit

## 2023-mi politikikkut ataatsimiiffissat

Aalajangiiffigisassaq

SagsiD: EMN-2022-08329

Suliffeqarfimmut Kiffartuussivik – kommunaldirektøri Ole Jakobsen /OJAK

### Inassuteqaat

Suliffeqarfimmut Kiffartuussivimmit Kommunalbestyrelsimut inassuteqaatigineqarpoq:

- 2023-mi politikikkut ataatsimiiffissat akuerineqassasut

### Suliassamik saqqummiussineq

Aqutsinermut inatsimmi § 8-mi allaqqavoq ”Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput.”

Kommunalbestyrelsip marlungornikkut nal. 12.00. ataatsimiittarnissaa siunnersuutigineqarpoq. 2023-mi ileqquusumik ataatsimiinnerit arfineq pingasut ingerlanneqassapput. Kommunalbestyrelsip naliginnaasumik marlungornikkut ataatsimiinnissaa sioqqullugu Kommunalbestyrelsi ataasinngornikkut immikkut sammisaqartarpoq.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2023-mi politikikkut ataatsimiiffissat Naalakkersuisunut nassiunneqassapput.

### Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

### Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

### Inatsisitigut tunngavissaq allakkallu tunngaviusumik uppernarsaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### Ilanngussaq

1. 2023-mi politikikkut ataatsimiiffissat siunnersuutit

## **Punkt 10: Ataatsimiititani ataavartuni sinniisussanik nutaanik toqqaaneq**

### **Beslutning**

Charlotte Ludvigsen (IA) Sanarfinermut Avatangiisinullu Ataatsimiititami ilaasortamut Naya P. Lyberth-mut (IA) siniisussatut Kommunalbestyrelsimit toqqarneqarpoq.

Naya P. Lyberth (IA) Meeqqanut Atuarfeqarnermullu Ataatsimiititami ilaasortamut Mia Skifte Lynge-mut siniisussatut Kommunalbestyrelsimit toqqarneqarpoq.

## Ataatsimiititani ataavartuni sinniisussanik nutaanik toqqaaneq

Aalajangiiffigisassaq

SagsID.: EMN-2022-09262

Suliffeqarfimmut Kiffartuussivik - Kommunaldirektøri Ole Jakobsen/ OJAK

### Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- suleqatigiit (IA, D aamma N) Naya Sophia Lyberth Pedersenimut Sanarfinermut Avatangiisinullu Ataatsimiititami sinniisussamik nutaamik toqqaassasut
- suleqatigiit (IA, D aamma N) Mia Skifte Lyngemut Meeqqanut Atuarfeqarnermullu Ataatsimiititami sinniisussamik nutaamik toqqaassasut

### Suliassamik saqqummiussineq

Ataatsimiititani ataavartuni taartaasussanik toqqaasoqassaaq Borgmesteri Avaaraq S. Olsen juunip 15-ianni 2022-mi Borgmesterinngunnginnermini ilaasortaaffigisimasaanut.

Tassani pineqarput:

- Mia Skifte Lyngemut (IA) Meeqqanut Ilaqutariinnullu Ataatsimiititami sinniisussamik
- Naya Sophia Lyberth Pedersenimut (IA) Sanarfinermut Avatangiisinullu Ataatsimiititami sinniisussamik

Inissitsiteqqaarnermit suleqatigiit Inuit Ataqtigiit, Naleraq aamma Demokraatit Kommunit aqunneqarnerat pillugu Inatsisartut inatsisaat nr. 29, 17 novembari 2017-imeersoq naapertorlugu sinniisussanik nutaanik toqqaassapput.

Aqutsinermut inatsimmi § 38 naleq. *"Piffissap qinigaaffiup ingerlanerani ataatsimiititaliami taamaaqataaniluunniit ilaasortaq tunuarpat kommunalbestyrelsimilu suleqatigiinnit aalajangersimasunit qinerneqasimappat inissaq inueruttoq suleqatigiinnit taakkunanga inuttalerneqassaaq."*

### Ingerlatsivimmit aningaasatigut sulisoqarnikkullu naliliinerit

Pisariaqanngilaq.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq

### Ilanngussat

Soqanngilaq.

## **Punkt 11: Atuareernerup kingorna neqeroorut Aqqalummi atuisartut amerlassusaannik allanngueq**

### **Beslutning**

Inassuteqaat akuersissutigineqarpoq.



## Atuareernerup kingorna neqeroorut Aqqalummi atuisartut amerlassusaannik allanquineq

Aalajangiiffigisassaq

SagsID.: EMN-2022-07973

Meeqqanut atuarfeqarnermullu Ingerlatsivik - pisortaq Lone Nukaaraq Møller / LNM

### Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- atuareernerup kingorna neqeroorummi Aqqalummi atuisunut inissat 70-iniit 40-nut appartinneqarnissaat akuersissutigineqassasoq

### Suliassamik saqqummiussineq

2022-mi Sermersuumi missingersuusiornermi isumaqatigiisummi suleqatigiinissamullu isumaqatigiisummi kissaatigineqarpoq meeqqanut innarluutilinnut 18-it inorlugit ukiulinnut ornittakkanik pilersitsisoqassasoq.

Meeqqanut Atuareqarnermullu Ingerlatsivimmi 1. august 2022 tungaanut taamak ittumik ingerlatsinikuupput Pakkummik taaguutilimmik meeqqanut autismeqartunut ADHD-millu ersinngitsumik innarluutilinnut naleqqussakkamik. Neqeroorut meeqqanut arfineq pingasunut inissalittut naleqqussagaasoq, illutamigut ulluklut neqeroorutip Umiaq illutaata ilassutaani inissisimasumik. Meeqqani taakkunani atuisut arfinillit Nuussuup Atuarfiani atuartuupput, sinneruttullu marluk atuarfinni allani atuartuullutik.

Nuussuarmi Ulloq naallugu atuarfik (Heldagsskolen) siunertaatut atuarfittut immikkut periuseqarluni atuarfittut atuutsileqqinnerani atuartut periarfissaqalersimapput ulloq naallugu atuarfimmini atuarneq atuareernerullu kingorna ornittagaq allamukaqqaanngikkaluarlutik ingerlassinnaalerlugu, piffimmiit piffimmut allamut nuuttaaratik nikeranngitsumik ornittakkamiilerlutik. Taamaalillutik meeqqat sinaakkutinik aalajangersimasunik pisariaqartitsisut ataavarnernunik, toqqissisimaffimmini sinaakkuteqarlutik ulloq ingerlassinnaanngorlugu.

Atuarfeqarnermut immikkoortortaqarfiup 1. august aallarnerfigalugu meeqqat marluk Pakkumi sinneruttut fritidshjem Aqqalummut inississimavaat. Allanngortitsinermit aallaaviuvoq meeqqanut taamannak innarluutilinnut meeqqerivimmut atanera naleqqutinngitsoq, meeqqerivimmit nipiliornerit kiisalu Pakkummit unamminartoqartillugu qisuariarnerit meeqqanut mikisunut toqqissisimannginnermik pilersitsisarmata.

Meeqqanut Atuareqarnermullu Ingerlatsivimmit kissaatigineqarpoq kommunip meeqqaanut immikkut pisariaqartitsisunat atuareernerup kingorna ornittagaqalernissaa Aqqaluup ilaani. Taamaaliornerup kinguneraa immikkoortortap ilaata matusariaqarnera meeqqat immikkut pisariaqartitsisut inissaqartinniarlugit. Meeqqanut immikkut pisariaqartitsisunat inissaq ataaseq meeqqanut marlunnik naleqartarmat. Kiisalu meeqqat ataasiakkaat tamarmik immikkut ikiorteqartinneqartarmata immikkut inigissaminni neqeroorutiginiakkatsinni.

Ataatsimut pisariaqartitaq tassaavoq ornittakkatut neqeroorutip Aqqalummi atuisut amerlassusaasa 70-niit 40-nut appartinnissaat, tassa 30-nik apparlugit. Immikkoortortassaq meeqqanut arfineq pingasunut inissaqassaaq 6-linniit 14-nut ukiulinnut, taamalu massakkumut Pakkummut Nuussuarmiikkallarmat inissinneqarnissaminnut utaqqisut isertinneqarsinnaalissallutik. Aqqalummi atuisut taamaalillutik 48-nut inissaqalissapput.



Aqqalummi atuisartut ikilagaluartut sulisunik ikilisaanermik kinguneqartinneqassanngilaq, sulisut ilaat Pakkummi sulisutut ikkunneqassagamik.

Meeqqanut Atuarfeqarnermullu Ingerlatsiviup nalilerpaa neqeroorutip Aqqaluup atuisuinik appaanerup kingunerisaanik piffissaq ilaani atuarfiusup nutaap aallartinnerani inissanik amigaateqalertussaaneq, Aqqalummi atuisartut nalunaarsuutaani takuneqarsinnaammat atuarfiusup aallartinnerani qaammatini siullerni atuisut amerlariarlutik ikiliartulertortartut. Atuarfiusup ingerlanerani ikiliartuaarusaartuurtartut.

Ilisimatitsissutitut ilanngussinnaavarput 1. august 2022 meeqqat 50-it Aqqalummi atuisutut allaqqammata. Septembarilli 21-ani atuisut 37-iinnanngoreersimallutik, massakkut apparfissatut killigititassaq ataallugu Ingerlatsiviup appaanissamut innersuussutaatut. Atuarfiusup nutaap aallartinnerani neqeroorutitut ornittagaq Inneruulat inissaqartuurtarpoq Aqqalummi inissaaruttoqassagaluarpas. Augustip aallaqqaataani Innerulat ataatsimik inissaateqarput, septembarillu 21-ani 13-nik inissaateqarluni.

Meeqqanut Atuarfeqarnermullu Ingerlatsivimmit nuussinerup kingorna Umiamut ilassut Pakkummut atorsimasarput siunissami meeqqerivimmi inissanik amerlisaatitut atorneqalersinnaassasoq.

### **Ingerlatsivimmit aningaasatigut sulisoqarnikkullu naliliinerit**

Soqanngilaq.

### **Suliffeqarfimmut Kiffartuussivimmit aningaasatigut naliliineq**

Soqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Kulturikkut ingerlatsineq sunngiffimmi sammisassaqaartitsineq pillugit Inatsisartut inatsisaat nr.5, 6. Juni 2016-imeersoq
- Inuit innarluutillit tapersorsorneqarnissaannut Inatsisartut inatsisaat nr.13, 12. Juni 2019-imeersoq
- Meeqqat tapersorsorneqarnissaannut Inatsisartut inatsisaat nr.20, 26. Juni 2017-imeersoq

### **Siusinnerusukkat aalajangiinerit**

*Meeqqanut Atuarfeqarnermullu Ataatsimiititaq, 12.10.22:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 08.11.22:*

Inassuteqaat akuersissutigineqarpoq.

### **Ilanngussat**

Soqanngilaq.

## **Punkt 12: Tasiilami Paamiunilu inissialiortiterneq**

### **Beslutning**

Inassuteqaat akuersissutigineqarpoq, imatut aaqqiissutitalerlugu: Paamiuni Tasiilamilu illut uiguleriaat (rækkehusit) pineqarput, blokkit pineqanngillat.

### **Bilag**

Kommunimut pilersaarummut tapiliusseq 30A11-1, Tasiilap kujataata kangiani inissiaqarfissaq nutaaq 2016-imi juunimeersoq

Tasiilami inissialiortitserneq pillugu Iserit A/S-ip 23. aggusti 2022 oqaaseqaataa

Kommunimut pilersaarummut tapiliusseq 20A7 – Aqqusinertaami inissiaqarfik



## Tasiilami Paamiunilu inissialiortiterneq

Sanaartugassatut pilersaarutit nr. 100105-004 siunertatut ima normullit 1001054011 "Tasiilami Paamiunilu inissialiortiterneq" aallartinneqarnissaannut akuersineq

Aalajangiiffigisassaq

SagsID.: EMN-2022-07562

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- sanaartugassatut normu 100105-004 Tasiilami Paamiunilu inissialiortiterneq 2022-miit 2026-mut ingerlanneqartussa qatillugit 45 mio. kr.-inik naleqartussa taarsigassarsititsilluni aningaasaliinermut allangortinneqarnissaa akuersissutigineqassasoq
- Kommuneqarfik Sermersuup 45 mio. kr.-it 2022-mi Iserit A/S-imut akiliutigissagai akisussaassusiliilluni taarsigassarsiatut taakkulu agguataarneqassasut 2022-mi 3 mio. koruuninut kingornalu 2026-p tungaanut ukiuni sisamani ukiumut 10,5 mio. koruunit
- Iserit A/S-ip inissiat sanaartorneqarnissaat kingornalu ingerlatarinissaat pillugit allaffeqarfik ilitsersuinissamut pisinnaatinneqassasoq
- inissiat angissutsimikkut pisariaqartinneqarnerpaasut pingaarnersiorneqarnissaannut allaffeqarfik Iserit A/S suleqatigalugu pisinnaatinneqassasoq
- aningaasat 45 mio. kr.-it tamarmik Tasiilami blokkit marluk Paamiunilu blokki ataaseq sanaartornissaannut atorneqassasut

### Suliassamik saqqummiussineq

Pilersaarutip normuanut 100105-004 Tasiilami Paamiunilu Inissialiortiternissamut aningaasaliissutit sanaartugassanut massakkut agguataarneqarneri malillugit 2022-mi pilersaarusiorsinnaaneq aamma 2023-2026-mut ukiumut 10,5 kr.-it atorlugit inissialiorsinnaaneq periarfissaqartippaat.

Tasiilami Paamiunilu inissianik pisariaqartitsineq allaffeqarfimmit aamma Iserit A/S-imit ataatsimut nalilerneqarpoq.

Tasiilami pissutsit atuuttut:

- Kalaallit Nunaanni Naatsorsueqqissaartarfik ikioqatigalugu Kommunip nammineq naatsorsuinerata, ersersippaa Tasiilami 2021-mi innuttaasut 1.916-iusut tassalu 2011-miit 182-inik ikileriarsimasut. Allatut oqaatigalugu Tasiilami innuttaasut Paamiunut sanilliullugit amerlanerupput annikinnerusumillu ikiliortorlutik
- Iserit A/S-ip ilanngussa 2-mi nassuiaataani utaqqisunut allattorsimaffimmi 298-it nalunaarsorsimapput. Inissiaatileqatigiiffiup ilisimatitsissutigivaa, inissiamik utaqqineq ukiunik pingasunik sivilissuseqartoq, aamma eqqaani nunaqarfinniit nutsertoqartuortoq
- Sanaartornerup sukkanerusumik aallartinneqarnissaa eqqarsaatigalugu inissisimaffissaatut toqqarneqarpoq immikkoortoq kommunimut pilersaarummut tapiliussartalik, pilersaarutigineqartumut naleqquttoq. Kommunimut pilersaarummut tapiliussa 30A11-1, 2016-imi juunip qaammataaneersoq, tassani immikkoortup ilaa nutaatut akuleriinnik inissialorfissatut atugassangortinneqarpoq, pingasunut aggulullugu quleriit pingasunngorlugit sanaartorfusinnaasutut. Inissialiat, isikkivik eqqarsaatigalugu, soorlu sanaartorfiup avannaa tungaaniittut, pukkinningorlugit inissinneqarput. Immikkoortoq

- kuuffissualersoriigaavoq innuttaasullu peqqinnissaat eqqarsaatigalugu pissutsinik pitsaanerulersitseqataassaaq
- Imikoorummut pilersaarut atuuttoq naapertorlugu Tasiilap illoqarfiata pingajorarterutaannaa kuuffissualersugaavoq, imikoorummullu pilersaarummi anguniarneqartut eqqarsaatigalugit Iserit A/S-ip allaffeqarfiullu inissisismaffissaatut toqqarpaat qulaani kommunimut pilersaarummut tapiliussaq taaneqartoq tassani immikkoortoq 2022-mi sanaartofissagissarsimasoq. Kommunimut pilersaarummut tapiliussaq tamaat isigalugu katillugit inissianut 2000 m2 missaanniittoq sanaartofigineqarsinnaavoq taakkunanilu quit assigisaallu sanaartorfissanut atatinneqassapput sanaartukkat pisariaqanngitsumik siammasissuutikkusunnagit
  - Immikkoortoq siunnersuutigineqartoq atorineqarpat nutaamik kommunimut pilersaarummut tapiliussamik suliaqarnissaq pisariaarutissaaq

#### Pissutsit Paamiuni atuuttut:

- Tunngaviatigut aamma ataatsimut isigalugu inissiat naammapput, inissiat piumaneqartut (mikinerusut) inoqanngitsullu (anginerusut) akornanni nikingassutaasoq eqqassaangikkaani. Paamiuni inoqanngitsut arlallit Namminersorlutik Oqartussanit pigineqarput. Iserit A/S-ip ilanngussaq 2-mi nassuiaataa naapertorlugu utaqqisunut allattorsimaffimmi 49-t nalunaarsorsimapput. Ilimanarluinnarpoq arlallit inigisaminniit inissianut mikinerusunut nuukkusuttoqarnissaa, taakkulu illoqarfimmi amigaataapput
- Kalaallit Nunaanni Naatsorsueqqissaartarfik ikioqatigalugu Kommunip nammineq naatsorsuinerata, ersersippaa Paamiuni 2021-mi innuttaasut 1.247-sut, tassalu 2011-miit 467-inik ikileriaateqarsimallutik
- Paamiut pillugit Kommunimut pilersaarutip pingaarnertut ilusaani illoqarfioersoq eqiteruffiussaaq. Blok O-p inissisimaffigisimasaa ingutserneqarsinnaavoq inissialiorfigalugulu
- Immikkoortup ilaa pigineqareersoq sukumiisumik aalajangersaaffigineqanngilaq taamaalillunilu nutaamik sanaartornissamat kommunimut pilersaarummut tapiliussamik nutaamik suliaqartoqartariaqarani

Pilersaarutit kommunimut pilersaarummut tapiliussamereerput, pilersaarutigineqartullu Tasiilami sanaartorfissani sanaartorfissarneqareersuni sananeqarsinnaapput. Iseritip sukkasuumik inissiat pillugit 2022-mi ukiakkut suliaqarneratigut Iseritimiit naatsorsuutigineqarpoq suliariumannittussarsiuussineq entreprenørillumu ajugaasumik isumaqatigiissuteqarluni atsiorneq 2023-mi marsi pisinnaasoq, tamatumalu kingorna sanaartorneq aallartinneqarsinnaalissaaq sanaartukkat 2025-2026-mi naammassineqarlutik.

#### **Ingerlatsivimmit aningaasatigut sulisoqarnikkullu naliliinerit**

Pilersaarusiariartumut normu 100105-004 Tasiilami Paamiunilu inissialortiternermut aningaasaliissutit, 2022-miit 2026-mut ingerlanneqartussaq, katillugit 45 mio. kr.-inik naleqartussaq, taarsigassarsititsilluni aningaasaliinermut allanngortinneqarnissaa allaffeqarfimmit matumuuna inassutigineqarpoq. Taamatut inaassuteqarnikkut, sanaartugassanut ataatsimut aningaasaliissutit akisussaassusiliilluni taarsigassarsiassanngorlugit allanngortinneqassasut, taakkulu kommunip inissiaatileqatigiiffianut Iserit A/S-mut tunniunneqassasut, allaffeqarfimmit anguniarneqarpoq. Taamatut ilioarnikkut Iserit A/S inissiat ataatsikkut pilersaarusiartorlugillu sanaartorneqarnissaannut akissaqartinneqalissaaq tassani annertuumik ingerlataqarnermi iluaqutissat iluaqutigalugit. 2022-mi missingersuutit isumaqatiginniutigineqarnerat naapertorlugu tassani politikikkut sorsuutigineqarpoq Iserit A/S tassaassasoq kommunimi tamarmi inissialortiternermik kommunillu nalinginnaasumik inissiaataanik ingerlatsisuunissaa pillugu.

Kommunip pisinnaatitsissutit agguataarneqarnerinut pilersaarutaa atuuttoq malillugu:

- Ilassutitut aningaasaliissutit aamma aningaasaliissutit allamut inissinneqartut allaffeqarfimmit aamma aningaasaqarnermut ataatsimiititamit Kommunalbestyrelsimut aalajangiiffigisassanngortinneqartarput
- 2 mio. kr.-it sinnerlugit nalilinnik isumaqatigiissuteqarneq aamma/imaluunniit ukiunut arlalinnut missingersuusiorfiusut Aningasaqarnermut Inussutissarsionermullu Ataatsimiititamut inassutigineqarlutillu akuerisassanngortinneqartarput kingornalu Kommunalbestyrelsimut ilisimatitsissutigineqarlutik.

Allaffeqarfiup naliliinera tassaavoq, aningaasat tamarmik 45 mio. kr.-it Tasiilami kisimi atorneqassasut tulliuuttut pissutigalugit:

- Inissanik pisariaqartitsivinneq Tasiilamiippoq
- Siunertamut kommunimut pilersaarummut tapiliussaqaareerpoq, 2022-mi sanaartorfissagissaanerup inaarsarneqarneranik ilalik aamma kuuffissualersoriigaq
- Kommunip massakkut sanaartorfissagissaanermut aningaasartuutai kommunip karsianut sukkasuumik utertinneqartussaapput taakkulu kommunimi sanaartorfissagissaanissanut allanut, taamatut pisariaqartinneqarnerusunut, tutsinneqarsinnaapput

Qulaani taaneqartoq ataatsimoortumik sanaartornikkut kvadratmeterit sanaartorfiusut amerlanerusut pissarsiarineqarsinnaaneramik kinguneqarsinnaavoq, pingaartumik aallarnisarnermut pilersaarusionermullu aningaasartuutit annikillisussaammata, aamma entreprenøri kommunip ukiumoortumik ukiunut arlalinnut aningaasaliissutaanik killilerneqarani sukkassusissaminik sanaartornissaa periarfissaqalissaaq.

Politikkikkut sammivigineqartoq attatiinnarneqassagualuarpat, Tasiilami Paamiunilu inissialiortoqarluni, taava allaffeqarfiup Iserit nassuiaateqaqquaa illoqarfinni arlariinni inissianik mikinerusunik sanaartornerup aningaasaqarnikkut qanoq nassataqarnissaanut tunngatillugu:

- Aningaasat 45 mio kr.-it atorlugit inissiat 12-18-it, 40-60 m<sup>2</sup>-it, sanaartorneqarsinnaapput taakkulu Paamiut Tasiilallu akornanni agguataarneqarlutik
- Ullunik uiguleriiaanik, 6-inik mikisunik inissiartalinnik, sanaartornermi missiliorneqarpoq illup uiguleriiaap ataatsip sananeqarneranut aningaasartuutit 13,7-14,4 mio. kr.-ussasut. Piviusumik illut uiguleriiaat 3-t pineqarput, Paamiut Tasiilallu akornanni agguataarneqartussat
- Inissiamut marlunnik initalimmut akiliut missiliuineq tunngavigalugu 3.279 - 3.195 kr.-nik akeqassasoq nalilerneqarpoq
- Inissiamut pingasunik initalimmut akiliut missiliuineq tunngavigalugu 4.918 - 4.792 kr.-nik akeqassasoq nalilerneqarpoq

Illoqarfiit taakku marluk akornanni inissiat qanoq agguataarneqarnissaat kingornalu aallartinneqarnissaat politikikkut aalajangiiffigineqareerpat, allaffissornikkut kommunip aamma Iserit A/S-ip akornanni missiliuinerit ersarinnerusut suliarineqarsinnaalissapput, aningaasaliissutit taakku atorlugit inissiat qanoq amerlatigisut sananeqarsinnaanerinut, ataatsimut kvadratmeterit ilanngullugit, aalajangerneq pingaaruteqarmat.

Tasiilami inissialornermut tunngatillugu aningaasaliissutit Sanaartorfissagissaaneq Tasiilaq 30A11-mit 8,5 mio. kr.-it nunaminertamik atugassinneqarnermi pineqassapput.

Siunnersuutigineqartoq Namminersorlutik Oqartussat Iserit-ip attartornissaa pillugu akuersissuteqarnissaannik pisariaqartitsivoq, Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq tunngavigalugu.

## **Suliffeqarfimmut Kiffartuussivimmit aningaasatigut naliliineq**

Tasiilami inissaaleqinerujussuup iliuseqarfiginissaanut aningaasaliissutissat atorneqassasut Suliffeqarfimmut Kiffartuussivimmit akuerineqarsinnaavoq.

### **Inatsisitigut tunngavissaq allakkallu tunngaviusumik uppersaatitallit**

- Sanaartorneq pillugu Inatsisartut inatsisaat nr. 13, 26. maj 2010-meersoq
- Kalaallit Nunaanni Illuliornermut Malittarisassat
- Inatsisit aamma Aktieselskabit
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq
- 2022-mut missingersuutit Kommuneqarfik Sermersooq

### **Siuserusukkut aalajangiinerit**

*Sanarfinermut Avatangiisinullu Ataatsimiititaq, 06.10.22:*

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- sanaartugassatut normu 100105-004 Tasiilami Paamiunilu inissialiortiterneq 2022-miit 2026-mut ingerlanneqartussa qatillugit 45 mio. kr.-inik naleqartussa taarsigassarsititsilluni aningaasaliinerimut allanngortinneqarnissaa akuersissutigineqassasoq
- Kommuneqarfik Sermersuup 45 mio. kr.-it 2022-mi Iserit A/S-imut akiliutigissagai akisussaassusiliilluni taarsigassarsiatut taakkulu agguataarneqassasut 2022-mi 3 mio. koruuninut kingornalu 2026-p tungaanut ukiuni sisamani ukiumut 10,5 mio. koruunit
- Iserit A/S-ip inissiat sanaartorneqarnissaat kingornalu ingerlatarinissaat pillugit allaffeqarfik ilitsersuinissamut pisinnaatinneqassasoq
- inissiat angissutsimikkut pisariaqartinneqarnerpaasut pingaarnersiorneqarnissaannut allaffeqarfik Iserit A/S suleqatigalugu pisinnaatinneqassasoq
- aningaasat 45 mio. kr.-it tamarmik Tasiilami inissialiortiternermut atorneqassasut
- suliaq Aningaasaqarnermut Inuussutissarsiornermullu Ataatsimiititamut aalajangiiffisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Inassuteqaat akuersissutigineqarpoq, ima allannguutitalerlugu, inassuteqaat 5 peerneqassaaq, aamma Tasiilami blokkit marluk Paamiunilu blokki ataaseq sananeqassapput.

*Aningaasaqarnermut Inuussutissarsiornermullu Ataatsimiititaq, 08.11.22:*

Inassuteqaat akuersissutigineqarpoq imatut allannguutitalerlugu: Suliaq Kommunalbestyrelsimut alajangiiffisassanngorlugu ingerteqqinneqarpoq.

### **Ilanngussat**

1. Kommunimut pilersaarummut tapiliussaq 30A11-1, Tasiilap kujataata kangiani inissiaqarfissaq nutaaq 2016-imi juunimeersoq
2. Tasiilami inissialiortitserneq pillugu Iserit A/S-ip 23. agusti 2022 oqaaseqaataa
3. Kommunimut pilersaarummut tapiliussaq 20A7 – Aqqusinertaami inissiaqarfik

## **Punkt 13: 2023-mi suliat pitsaassusaasa allaaserinerat**

### **Beslutning**

Inassuteqaat akuersissutigineqarpoq.

### **Bilag**

2023-mi suliat pitsaassusaasa allaaserinerat



## 2023-mi suliat pitsaassusaasa allaaserinerat

Aalajangiiffigisassaq

SagsID.: EMN-2022-06054

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Aningaasaqarnermut Inuusutissarsiornermullu Ataatsimiitap Kommunalbestyrelsimut inassuteqaatigaa:

- 2023-mi suliat pitsaassusaasa allaaserinerat akuersissutigineqassasut

### Suliassamik saqqummiussineq

Suliat pitsaassusaasa allaaserinerat ukiut tamaasa nutarterneqartassapput politikikkullu akuerineqarlutik. Suliat pitsaassusaasa allaaserineri ukiumut ataasiarlugit nutarterneqarnerini neqeroorutaasutut allaaserisat politikikkut anguniakkanut, inatsisinut neqeroorutinullu naapertuuttuunersut qulakkeerneqartartussaavoq.

Suliat pitsaassusaasa allaaserineqarneri tassaapput Isumaginninnermut Suliffeqarnermullu Ingerlatsivimmit innuttaasunut neqeroorutit innersuussutigineqarsinnaasut ataatsimut takussutissartai. Politikikkut sakkussaallutillu innuttaasunik kiffartuussinermi ersarissuutitsillutillu assigiissaarinissamik qulakkeerutaasut aamma tulleriissaarisartut sulisunullu tamakkuninnga suliaqartunut sulinerannut najoqqutassiaallutik.

### Aaqqiissutissatut siunnersuut – suliatigut naliliineq

2022-mi suliat pitsaassusaasa allaaserineranut ilanngussaartoqarpoq. Tulliuttuni aaqqiissutit pingaarnerit allaaserineqarput.

### Paasissutissat nalinginnaasut

- Suliat pitsaassusaasa allaaserinerat ingerlatsivimmit neqeroorutigineqartunut eqquutsinneqarniassammata naleqqussagaapput
- Suliamik suliaqarnermi piffissaliussat misissorneqarput. Suliffeqarnermut tunngasuni suliffeqanngikkallarnermi ikiorsiissutit pillugit inatsimmut nutaamut naleqqussarniarlugit nutarterneqarput
- 2023-mi inatsisip nutaap atuutilernissaannut tunngatillugu inatsisitut tunngavissaq misissorneqarpoq immikkoortunilu allannguuteqarfiusuni nutarterneqarlutik

### Utoqqarnik suliassaqarfik

- Innersuussisarnermi piumasaqaatit ikiorsiissutillu annertussusai "Utoqqarnut inunnullu innarluutilinnut inissiat naleqqussakkat" innuttaasut pisariaqartitsinerpaat ikiorsiissutinik tunineqarnissaat qulakkeerniarlugu nutarterneqarput
- "Nammineq angerlarsimaffigisami isumassorneqarnissamut tapersiisarneq" pillugu ikiorsiissuteqarnissamut tunngavissaq ersarissarneqarpoq, taamaalilluni isumassuisumut piumasaqaatit ersarinnerulerniassammata
- Innuttaasut utoqqaat innarluutillit "Sammisassatut neqeroorummut biiliussineq" pillugu innersuunneqarnermillu akeqanngitsumik angallanneqartartut ersarissarneqarpoq
- Tasiilami "Angerlarsimaffimmi ikiorteqarneq" pillugu ulloq unnuarlu sulisoqarnissaq qulakkeerneqarsinnaanngimmat nutarterneqarpoq
- Ikiorsiissut "Nerisaqartitsineq" pillugu pajussinissamut nammineq najugaq nalunaarutigineqartassasoq piumasaqaataasoq ersarissarneqarpoq



- Ikiorssiissut "Aputaajaaneq" pillugu Kommuneqarfik Sermersuup inissiatileqatigiiffiillu akornanni akisussaaffimmik agguataarineq ersarissarniarlugu kiisalu ikiorssiissuteqartarnermut pissutsinut piviusunut naleqqussarniarlugit ersarissarneqarpoq

#### Inunnut innarluutilinnut aamma tarnimikkut innarluutilinnut tunngasut

- Suliatigut periuuseq pillugu immikkoortoq nutarterneqarpoq
- Pillorissaasut aammalu timimik sungiusaasut suleqatigiinni sungiusarnerup ingerlanneranut piffissaliussaq nikerarsinnaasunngorlugu suliarineqarpoq, taamaalilluni innuttaasut pisariaqartitsinertik malillugu kiffartuunneqarsinnaaniassammata

#### Oqartussaaffeqarfik

- Oqartussaaffeqarfimmi sulinermit tunngatillugu Kommuneqarfik Sermersuumi Angerlarsimaffeqanngitsuuneq pillugu periusissaq aamma Angerlarsimaffeqanngitsuuneq pillugu immikkoortumut pilersaarut najoqutassatut ilanngunneqarput
- Attaveqarfissanut paasissutissat nutarterneqarput, taamaalilluni innuttaasut Oqartussaaffeqarfimmut toqqaannartumik attavigineqarsinnaassapput

#### Suliffeqarnermut tunngasut

- Innuttaasut "Piorsaavik"-mi ingerlatsisinnaasut ukiui qaffanneqarput
- "Piorsaavik"-mi ingerlatat sivisussusai sivikillineqarput, taamaalilluni ikiorssiissutinut neqeroortugineqartartunut piviusunut naleqqussarneqarlutik.
- Suliat pitsaassusaasa allaaserinerat "Nikerartumik suliffik" immikkoortumi inatsimmut naleqqussarlugu nutarterneqarpoq

#### Ingerlariaqqinnissaq

Allannguutit akuersissutigineqassappata allaaserisat iluarsisat malillugit ingerlatsivimmi suliffeqarfiit sulissapput. Suliat pitsaassusaasa allaaserineqarneri kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

#### **Ingerlatsivimmit aningaasatigut sulisoqarnikkullu naliliinerit**

Suliat pitsaassusaasa allaaserineranik suliaqarneq aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaatitalit**

- o Suliat pitsaassusaasa allaaserinerat inatsisinik atuuttunik aallaaveqarput. Kiffartuussinerni ataasiakkaani inatsit atuuttoq tunngavigineqartoq allassimavoq

#### **Siusinnerusukku aalajangiinerit**

*Suliffeqarnermut Isumaginninnermullu Ataatsimiititaq, 11.10.22:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 08.11.22:*

Inassuteqaat akuersissutigineqarpoq.

#### **Ilanngussat**

1. 2023-mi suliat pitsaassusaasa allaaserinerat

## **Punkt 14: Kommunitut pilersaarummut tapiliussap 4B1-2 Naternaq inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliussaq 4B1-2 Naternaq

## Kommunimut pilersaarummut tapiliussap 4B1-2 Naternaq inaarutaasumik akuersissutigineqarnera

Aalajangiiffigisassaq

SagsID.: EMN-2022-00470

Sanarfinermut Avatangiisinullu Ingerlatsivik – pisortaq Hans Ulrik Skifte/ HUTS

### Inassuteqaat

Aningaasaqarnermut Inuusutissarsiornermullu Ataatsimiitap Kommunalbestyrelsimut inassuteqaatigaa:

- kommunimut pilersaarummut tapiliussaq 4B1-2 Naternaq akuersissutigineqassasoq

### Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B1-2 Naternaq matumuuna nutaamik saqqummiunneqarpoq.

Kommunimut pilersaarummut tapiliussaq 4B1-2 Naternaq kommunalbestyrelsimut ulloq 30. agusti 2022 inaarutaasumik akuerineqarpoq. Ingerlatsivillu kingornatigut nakkutilliisut illui pillugit aalajangersakkanut kommunimut pilersaarummut tapiliussamiittumi annikitsumik kukkusooqarsimasooq paasisaqarpoq, kommunimut pilersaarummut tapiliussami uani iluarsineqartut.

Siornatigut kommunimut pilersaarummi tapiliussami ulloq 30. auggusti akuerineqartumi tulliuuttut allaqqapput §20-p ataani 2. Atorneqarnera:

*Imm. 2: Suliffeqarfinni mingutsitsinerusartuni suliffeqarfiit nakkutilliisuinut inissianik sanaaartortoqassanngilaq, avatangiisimut peqqussummi kapitali 5-imi allassimasut malillugit.*

*Imm. 3: Suliffeqarfinni mingutsitsinerusartuni suliffeqarfiit nakkutilliisuinut inissianik sanaaartortoqassanngilaq, avatangiisimut peqqussummi kapitali 5-imi allassimasut malillugit.*

Aalajangersakkat taakkua marluk kommunimut pilersaarummut tapiliussami tulliuuttumut iluarsineqarput:

*Imm. 2: Immikkoortup ilaani nakkutilliisuinut inissialiortoqarsinnaanngilaq Nakkutilliisumut inissiat peerneqassagaluarpata pilerseqqinneqarsinnaatitaassaanngillat.*

Kommunimut pilersaarummut tapiliussaq 4B1-2 Naternaq siunnersuutitut sapaatip-akunnerini arfineq-pingasuni tamanut tusarniaassutigineqarnikuuvoq, piffissami marsip ulluisa 31-annit maajip ulluisa 26-ata 2022-p tungaanut. Piffissami tusarniaaffiusumi tusarniaanermut akissuteqaatit marluk tiguneqarput, taakkunanilu aappaa kingusinaartumik tiguneqarluni sulialli suliarineqarnerani ilanngunneqarluni. Taakku annikitsunik oqaasertaatigut arfinilinnik aaqqiissuteqartitsissapput.

Pilersaaruserfigineqartoq 4B1 Naternaq 8,3 ha-it missaannik isorartussuseqarpoq, qoorortamiilluni immamiit 40 meterit missaannik qatsitsigisumiilluni, Ukkusissaq/Store Malenep 800 meterinik portussusillip paavaniilluni. Sumiiffik suliffeqarfiliorfissatut atugassiissutigineqassaaq, soorlu allaffeqarfiit, entreprenøreqarfiit, toqqorsiviit aamma quersuit, assassornermik suliaqarfiit, sannaviit, bussit illutassaat, tunisassiorfiit, angallassissutit, suliffissuit, ilioraaffiit, amerlasuunik pisiniarfiit teknikkikkullu atortulersuuteqarfiit.

Kommunimut pilersaarummut tapiliussami matumani suliniutinik arlalinnik aallartitsisoqarsinnaavoq, inissakilliornermik iluaallatsitsisinnaasunik (nunaminertat iluanni aammalumi sanaartorfioqquusaanngitsuni), aputaajaanermut tunngatillugu, biilit unittarfiinut

aammalu immikkoortup ilaani isumannaatsumik angallannermut tunngatillugu. Sumiiffik sanaartorfissamik sinneqarunarpoq, taamaattumillu sinaa avalleq atuarlugugu annertusaasoqarsinnaalluni. Nunaminertat qanittuaniittut arlallit nunaminertamik atuinissamik piginnittumit taassuminnga atorineqartut ataatsimoortinneqassapput, suliffeqarfinnut inissiiffissanullu pisariinnerutitsinissaq pillugu.

Nunaminertat kujasissumiittut kommunimut pilersaarummut tapiliussaq 4B1-1 akuersissutigineqarmalli annertusineqarnikuupput, mittarfiliornermut atatillugu nunaminertamik atuinissamik akuerineqartunut taartissatut. Angissutsit inissisimaffiillu taamaasillutik pilersaarummut uunga atatillugu nutarterneqassapput.

Immikkoortup ilaata avannamut kangimut sammerngani sanaartorfissiaq 30 angallassissutitut tassani ilaallutik usisaatinut oqimaatsunut bussinullu sivirusumik inissiiffiornissamut atugassiissutigineqarpoq. Kikkulluunniit akiliilluni biilinik inissiinissamut nunaminertami biilinik inissiiviliortoqassaaq.

Kkommunimut pilersaarummut tapiliussaq 4B1-2-p akuersissutigineratigut kommunimut pilersaarut 4B1-1 atorunnaarsinneqassaaq.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkut aalajangiinerit**

*Sanarfinermut Avatangiiisnullu Ataatsimiititaq, 06.10.22:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 08.11.22:*

Inassuteqaat akuersissutigineqarpoq.

### **Ilanngussat**

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 4B1-2 Naternaq

## **Punkt 15: Ukioqatigiinngiaartumik meeqqerivik Paamiuni 2023-imut missingersuutitut ilanngunneqarnissaa pillugu siunnersuut**

### **Beslutning**

Paamiuni ukioqatigiinngiaartumik meeqqerivik 2023-mi misissueqqaarnissamut ilanngunneqarnissaa Kommunalbestyrelsimit aalajangiiffigineqarpoq.

## Ukioqatigiinngiiaartumik meeqqerivik Paamiuni 2023-imut missingersuutitut ilanngunneqarnissaa pillugu siunnersuut

Kommunalbestyrelsimut ilaasortap Dorthe-Marie Mogensen-Fontainip (S) Kommunalbestyrelsimut siunnersuutaa

Aalajangiiffigisassaq

SagsID.: EMN-2022-09139

Suliffeqarfimmut Kiffartuussivik – kommunaldirektøri Ole Jakobsen / OJAK

### Inassuteqaat

Kommunalbestyrelsimut ilaasortap Dorthe-Marie Mogensen-Fontainip Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

### Suliassamik saqqummiussineq

Kommunalbestyrelsimut ilaasortaq Dorthe-Marie Mogensen-Fontain ulloq 11. novembar 2022 Kommunalbestyrelsip aalajangiiffigisassaatut siunnersuummik nassiussivoq. Dorthe-Marie Mogensen-Fontainip aalajangiiffigisassaatut siunnersuutigaa, Ukioqatigiinngiiaartumik meeqqerivik Paamiuni ukioq 2023-imi missingersuutitut ilannguteqqinneqarnissaa Kommunalbestyrelsimi aalajangiiffigineqassasoq.

### Tunngavilersuut:

*“Ukioqatigiinngiiaartumik meeqqerivik Paamiuni ukioq 2023-imi missingersuutitut ilannguteqqinneqarnissaa uani aalajangiiffigisassaatut siunnersuutigaara. Missingersuutitut isumaqatiginninniartuusaarnermi Siumut aammalu Demokraatit peqataajunnaarsinneqarput, suleqatigiinniit IA aammalu naleqqamiit isumaqatiginninniarnernut siunnersuutaasimasunik takusaqaratik. Isumaqatigiissullu atuaraanni imminermi siunnersuutigisaqarsimanngitsut takuneqarsinnaallutik. Isumaqatiginninniartuusaarnerup aallartinnerani ataatsimiisitaliat tamarmiusut suliakkerneqarput sanaartugassani pingaarnersiuiinermik inissitsiterinissaq ingerlanneqassasoq. Meeqqanut atuarfeqarnermullu ataatsimiisitaliami ataatsimiinnitsinni 07/09-2022 aalajangiunneqartut ima isikkoqarput:*

*“Inassuteqaat akuersissutigineqarpoq, imatut oqaaseqaatitalerlugu:*

*Normui tulleriiaarlugit pingaarnersiukkat aalajangiunneqartut:*

1. Tasiilami atuartut angerlarsimaffiat nutaaq
2. Umiap allanngortiternera/Paamiuni ukioqatigiinngiiaat meeqqerivianik misissueqqissaarneq
3. AHL-ip allilernera
4. Tasiilami klubhusi
5. Nerijsaaq AKO
6. Nunatta kangiani illunik angerlarsimaffinni paarsisarnermut atugassanik misissueqqaarneq”

*Ataatsimiisitaliamiit pingaarnersiukkat pingaarutulerujussuupput suleriaqqinnissamut tikkuussisuummata. Ataatsimiisitaliamilu sulineq ileqqoreqqusanit aallaaveqarmat, taamaattumillu ileqqoreqqusanit ataatsimiisitap alajangersaaneri ima oqaasertaqarlutik:*

*Imm. 3. Suliani ataatsimiititap aalajangersimasup oqartussaaffigisaanut tunngasuni, kommunalbestyrelsip suliame aalajangiinnginnerani oqaaseqaatit ataatsimiititamit pissarsiarineqarsimanissaat borgmesterip isumagisassavaa.*

*Uanilu ataatsimiisitaliami aalajangernerit pingaarnersiuiinermut tunngasut isiginiarneqarsimannginneri sakkortuumik uparuarusuppara. Missingersuutini 2023-imut*

*aalajangiiffigisassatsinni takuneqarsinnaammat pingaarnersiuneq ataatsimiisitaliami ingerlanneqartoq qatanngiinnarneqarsimasoq. Tasiilami atuartut angerlarsimaffiat nutaaq siullertut inissisimavoq taannalu suliassatut aamma pilersaarutini ilanngunneqarsimasoq nuannaarutigeqaara, tulliattullu Umiap allanngortiterneqarnera aamma inissamiilluni. Pingajuattullu Neriusaaq AKO ilanngunneqarsimavoq, tulliattut ilanngussarput Paamiuni ukioqatigiinngiiaartunik meeqqerivik qatangiinnarneqarsimalluni. Taamaattumik siunnersuutigaara ukioqatigiinngiiaanik meeqqerivik misissueqqaarnissamut 2023 missingersuutinut ilanngunneqassasoq aalajangiiffigissagippullu uani ataatsimiinnermi.*

*Taamatut nukingernartumik aalajangiiffigisassatut 2023-imut ilannguppara meeqqeriviit maanna piusut aserfallannikooqimmata, Juunip pingajuat 2021-imi apeqquteqaatima akissutaani takuneqarsinnaavoq meeqqeriviit illutaasa qanoq inneranik nalunaarsukkat 2015-imi kingullermik pisimasoq tassanilu ukiuni qulini suli piusinnaasutut naliilernerqarluni. Taamaattumillu ukioq 2025-imi illut taakku atorunnaarsinneqarsinnaallutik. Meerartatta pitsaasumik atugaqartinneqarnissaat uani timitalerneqartariaqarpoq, Paamiummi immikkut aallutarineqarpoq qinigaaffik uani. Tamannalu aamma timitalerneqartariaqarpoq. Sanaartugassanut tunngatilluguttaaq marloqiusamik aaqqiissuussineq ingerlatilernikuusarput sanaartugassatut pilersaarutit sivisusinnaasarneri uani eqqarsaatigalugit nukingernartutut isigaara missingersuutiniit qatangiinnarneqassappat. Missingersuutinut ukioq 2023-imut ilanngunneqarnissaa pisariaqarluinnarpoq.”*

### **Siunnersuut qanoq aningaasaliiffigineqassava?**

Budget-ip sammineqarnissanut ilanngunneqarnissaa Dorthe-Marie Mogensen-Fontainimit kissaatigineqarpoq.

### **Inatsisitigut tunngavissaq allakkallu tunngaviusumik uppernarsaatitalit**

- Kommunit aqunneqarnerat pillugu Inatsisartut inatsisaat nr, 29, 17, november 2017-imeersoq:  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq

### **Ilanngussat**

Soqanngilaq.

# Punkt 16: 2023-mut Missingersuutit aappassaaneerpeqarnerat

## Beslutning

Kommunalbestyrelsip inassuteqaatinut taasinera:

1. Ingerlatsinermit allannguutissatut siunnersuutit tamarmiusut pillugit taasitsineq

Amerlanerussuteqartut (IA, N aamma D) akuersipput

Ikinnerussutteqartut (S) itigartitsipput

2. Sanaartornermit allannguutissatut siunnersuutit tamarmiusut pillugit taasitsineq

Amerlanerussuteqartut (IA, N aamma D) akuersipput

Ikinnerussutteqartut (S) itigartitsipput

3. Misissueqqaarnissamut pilersaarutit tamarmiusut taasisitsineq

Amerlanerussuteqartut (IA, N aamma D) akuersipput

Ikinnerussutteqartut (S) itigartitsipput

4. Angusat aningaasalersuisarnermilu takussutissiamut allannguutit tamarmiusut pillugit taasisitsineq

Amerlanerussuteqartut (IA, N aamma D) akuersipput

Ikinnerussutteqartut (S) itigartitsipput

5. Akigititat aamma akigititassanut siunnersuutit pillugit taasisitsineq - Tassanilu akititat 2019-meersut atuutinneqassasut IA-mit siunnersuutigineqarpoq

Tamanit akuersissutigineqarput

6. Missingersuutit pillugit isumaqatigiissut tusaatissatut tiguneqarnissaa pillugu taasisitsineq

Amerlanerussuteqartut (IA, N aamma D) tusaatissatut tiguuat

Ikinnerussutteqartut (S) tusaatissatut tiguungilaat

7. Akileraarutip procentia 26%-iutillugu taasisitsineq

Tamanit akuersissutigineqarpoq

Siumumit ikinnerussuteqartutut oqaaseqaat: Borgmesterip kommunalbestyrelsimi ilaasortap ulloq ataasiinnarmik peqataasimanerarlugu naliliisinnanera apeqqusermagu Siumumiit akuerinngilarput.

Aamma akuerinngilarput Inuit ataqatigiinnit nipituumik Siumumiit oqaaseqartumut qisuariartoqarmat Inatsisartuniinngilagut.

Akuerinngilagut qinikkap ataqinnginneranik takutittimmat, killerlorsorniarneqarmallu.

## Bilag

Eqitsit 1 - Ingerlatsineq

Eqitsit 2 - Sanaartorneq

Eqitsit 3 - Misissueqqaarinninnerit

Eqitsit 4 - Angusat aningaasalersuisarnermilu takussutissiaq

Akigitat - 2022

2023-mut akigitassanik siunnersuut

Akit allattorsimaffiat 2023

2023-mut missingersuutit pillugit isumaqatigiissut

Revideret Bilag - Budget og Finasieringsoversigt 2023-2026.pdf

Sanaartugassanut missingersuutit 2023-2026



## 2023-mut Missingersuutit aappassaaneerqarnerat

Aalajangiiffigisassaq

SagsID: EMN-2022-08425

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Aningaasaqarnermut Inuussutissarsiornermullu Ataatsimiitap Kommunalbestyrelsimut inassuteqaatigaa:

- ingerlatsinermi allannguutissatut siunnersuutit tamarmik ataatsimut isigalugit akuersissutigineqassasut, eqitsit 1 innersuussutigalugu
- sanaartornermi allannguutissatut siunnersuutit tamarmik ataatsimut isigalugit akuersissutigineqassasut, eqitsit 2 innersuussutigalugu
- misissueqqaarnissamut pilersaarutit tamarmik ataatsimut isigalugit akuersissutigineqassasut, eqitsit 3 innersuussutigalugu
- Angusat aningaasalersuisarnermilu takussutissiamut allannguutit tamarmik ataatsimut isigalugit akuersissutigineqassasut, eqitsit 4 innersuussutigalugu
- akigitit aamma akigititassanut siunnersuut ataatsimut isigalugit akuersissutigineqassasut
- missingersuutit pillugit isumaqatigiissut akuersissutigisaq atsiugarlu tusaatissatut tiguneqassasoq
- akileraarutip procentia 26%-iutillugu akuersissutigineqassasoq

### Suliassamik saqqummiussineq

Aningaasaqarnermut Inuussutissarsiornermullu Ataatsimiitap siunnersuutaa tunngavigalugu allaffeqarfimmiit 2023-2026-mut missingnersuutitut inaarutaasumik siunnersuuteqartoqarpoq, takussutissiat arlallit suliassamut saqqummiussaliami matumani ilanngussatut ilanngunneqarlutik.

Takussutissiani pineqarlutik Aningaasaqarnermut Inuussutissarsiornermullu Ataatsimiititamit 2023-2026-mut missingersuutissatut siunnersuut aamma missingersuutit pillugit isumaqatigiissummi tunngaveqartut, partiini suleqatigiinnissamut isumaqatigiissimasuni isumaqatigiissutaasoq, ulloq 01. Novembari 2022.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersumi §21 naapertorlugu ukiumut missingersuutissanut siunnersuutit marloriarlugit sularineqarneri minnerpaamik sapaatip akunnerinik marlunnik akunneqartumik Kommunalbestyrelsimi sularineqassapput.

Missingersuutit siullermeerneqarnerat kommunalbestyrelsip oktobarip sisamaanni 2022 ataatsimiinnerani pivoq, novembarillu 29-anni 2022-mi kommunalbestyrelsimi aappassaaneerinnineq pilluni.

Novembari 2022-mi Angusat aningaasalersuisarnermilu takussutissiaq ataatsimoortoq kiisalu missingersuutit pillugit politikkikkut isumaqatigiissuteqarnermi, kommunalbestyrelsip 2023-mut missingersuutit siullermeerineranut atatillugu missingersuutissatut siunnersuutit akuersissutigineqarallartut arlallit ilaatigut ilaatinneqarput, ilaatigullu kingornatigut missingersuutissanut politikerit siunnersuutaat ilaqqinneqarlutik.

Suliamut saqqummiussaliamut matumunnga ilanngunneqarput, politikkikkut missingersuutit pillugit isumaqatigiissuteqarnermi takussutissaliamut, missingersuutit pillugit allaffissornermi siunnersuut saqqummiunneqarsimasoq, sanaartornermut missingersuutit, akitigut allannguutit aamma



missingersuutit pillugit politikikkut siunnersuutit tamakkiisut, taakkulu ataatsimut 2023-mi kommunimi missingersuutinut ilusiliipput.

### **Ingerlatsivimmit aningaasatigut sulisoqarnikkullu naliliinerit**

Maanna missingersuutit siunnersuut saqqummiunneqartoq sukumiisumik suliarineqarsimasut, tunngavilersorluagaasut aamma pissutsit piviusut misissueqqissaarnerillu tunngavigineqartut ingerlatsivimmit nalilerneqarpoq. Missingersuutit aqutsinermut atugassaapput, matumanilu allaffeqarfimmit politikerinillu missingersuutit, tassunga ilanngullugit imarisai piumasaqaatillu ilaasut, tutsuigineqarnissaat pisariaqarpoq. Taamaattorli pisoqarsinnaavoq, suliassat annertussusaat allanngorsinnaapput kiisalu tassanngaannartumik pisoqarsinnaavoq missingersuutinut siunnersuusiordermi siumut naatsorsorneqarsinnaanngitsunik. Pissutsit taamaattut ukioq missingersuusiorderfimmi ilassutissatut aningaasaliissutinut ilaatinneqartassapput. Taamaattumik pisut pissutsillu nalinginnaasumik nakkutiginninnikkut peqqissaarussinikkullu missingersuusiordermi naatsorsuutigineqarsimasussaagaluartut ilassutitut aningaasaliissuteqartoqartillugu saqqummiunneqartassanngitsut paasissutissiissutigineqarnissaa pingaaruteqarpoq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit naliliineq immikkoortumi qulaani takuneqarsinnaavoq, Suliffeqarfimmut kiffartuussivik suliamut uunga pineqartumut susassaqartuugami.

### **Inatsisitigut tunngavissaq allakkallu tunngaviumik uppersaattillit**

- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Aqutsinermut ileqqoreqqusat
- Kommuneqarfik Sermersuumi 2023-mut missingersuusiordermut malittarisassat
- Kommuneqarfik Sermersuumut piginnaatitsinermik agguataarinissamut pilersaarut

### **Siusinnerusukku aalajangerit**

*Aningaasaqarnermut Inuussutissarsiornermullu Ataatsimiititaq, 08.11.22:*

2023-mut akigitat akigitatassatullu siunnersuutit Kommunalbestyrelsip ataatsimiinnissaanut kinguartinneqarlutik inassuteqaatit sinneri amerlanerussuteqartunit (IA & N) akuersissutigineqarput.

Inassuteqaatit ikinnerussuteqartunit Siumumit aammalu Demokratinit akuersissutigineqanngilaq.

### **Ilanngussat**

1. Eqitsit 1 - Ingerlatsineq
2. Eqitsit 2 - Sanaartorneq
3. Eqitsit 3 - Misissueqqaarinninnerit
4. Eqitsit 4 - Angusat aningaasalersuisarnermilu takussutissiaq
5. Akigitat - 2022
6. 2023-mut akigitatassanik siunnersuut
- 6a. Akit allattorsimaffiat 2023
7. 2023-mut missingersuutit pillugit isumaqatigiissut
8. Missingersuutit aningaasaliinerlu pillugit takussutissiaq 2023-2026
9. Sanaartugassanut missingersuutit 2023-2026

## **Punkt 17: Tasiilap eqqaatalu Sermersuumi kommunitta iluani namminersortunngorsinnaanera Tasiilami innuttaasunut tusarniaassutiginiisaanik siunnersuut**

### **Beslutning**

Siunnersuutigineqartoq Aningaasaqarnermut Inuussutissarsiornermullu Ataatsimiititamut ingerlateqqinneqassasoq amerlanerussuteqartunit (IA, N aamma D) aalajangiiffigineqarpoq.

Siunnersuutigineqartoq ikinnerussuteqartunit (S) itigartitsissutigineqarpoq.

## Tasiilap eqqaatalu Sermersuumi kommunitta iluani namminersortunngorsinnaanerata Tasiilami innuttaasunut tusarniaassutiginnissaa siunnersuut

Kommunalbestyrelsimut ilaasortap Juaaka Lyberthip (IA) Kommunalbestyrelsimut siunnersuutaa

Aalajangiiffigisassaq

SagsiD.: EMN-2022-08151

Suliffeqarfimmum Kiffartuussivik - kommunaldirektøri Ole Jakobsen / OJAK

### Inassuteqaat

Kommunalbestyrelsimi ilaasortaq Juaaka Lyberthip (IA) Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

### Suliassamik saqqummiussineq

Kommunalbestyrelsimut ilaasortaq Juaaka Lyberthip (IA) septembarip 27-anni 2022

Kommunalbestyrelsimut aalajangiiffigisassaatum siunnersuummik nassiussivoq. Juaaka Lyberthip kissaatigaa Tasiilap eqqaatalu Sermersuumi kommunitta iluani namminersortunngorsinnaanerata Tasiilami innuttaasunut tusarniaassutiginnissaa pillugu siunnersuut Kommunalbestyrelsimut eqqartussagaa kissaatigaa.

Tunngavilersuut:

*”Tasiilarmiut aperineqartuugunik: Illoqarfissi eqqaanilu nunaqarfiit inuussutissarsiutitigut ineriartortinneqarnissaannut aamma inooqatigiinnermi isumaginninnikkut ajornartorsiutit qaangerniarlugit suliniutissat pillugit ilissi nammineq qanoq siunnersuuteqassagaluarpisi. Taava qanormita akissagaluarpat? Tasiilami innuttaasunit akuttunngitsunik tusartarparput, namminersulerusuttut, aamma ”aalajangersakkat amerlavallaartut qulaaniit ammut uatsinnut atuutsinneqalersarput”. Innuttaasut oqartussaaqataanerisa annertusarnissaat siunertaralugu, isumaqarpunga Tasiilami innuttaasut tusarniaavigisariaqartut Tasiilap ”frikommuninngortillugu” aaqqissuunneqassagaluarpat, innuttaasut qanoq takorluugaqarnersut. Tusarniaaneq imaluunniit tusarniaanerit 2023-p ingerlanerani pisinnaapput. Tusarniaanerup kingorna suleqatigiissitanik siunnersuusiortussanik pilersitsisoqarsinnaavoq, siunnersuutillu najoqqutaralugit kommunalbestyrelsi isummorsinnaalluni, Tasiilami eqqaanilu innuttaasut ”frikommuni ordningimik” pilersitsiviginissaannut alloriarnerit suussanersut. Taamaattumik siunnersuutigaara aningaasat 100.000 kr Tasiilami innuttaasunik tusarniaanissamut atorineqartussat 2023-mi aningaasartuutissanut missingersuummi immikkoortinneqassasut. Isuma Tasiilarmiunit iluatinnartutut isumaqarfigineqarpat suliassaq kommunalbestyrelsimut qaqqinneqassaaq, Naalakkersuisunullu saaffiginnissutigalugu, frikommuneqalernissamik siunertaq erseqqissunik inatsiseqartariaqarmat.*

*Danmarkimi ”frikommune ordninginut” misiliilluni aaqqissuussinerit kommunini arlalissuarni ingerlanneqarsimasut iluatsilluarsimapput, periarfissanillu nutaanik kommunip innuttaanut ammaallutik. Tamakku isumassarsiorfigalugit misissuataarneqarsinnaapput.*

*Aallaqqaammulli pingaarnepaavoq Tasiilarmiut tusarniaaffigissallugit ”frikommuni ordningimik” aaqqissuussisoqarsinnaanera qanoq isumaqarfigineraat.”*

### Siunnersuut qanoq aningaasaliiffigineqassava?

Missingersuusiornissamut tullermut ilanngunneqassaaq.



### **Inatsisitigut tunngavissaq allakkallu tunngaviusumik uppersaatillit**

- Kommunit aqunneqarnerat pillugu Inatsisartut inatsisaat nr 29, 17. november 2017-imeersoq  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffisassatut siunnersuutaagaangat atuutissaaq

**Ilanngussat**  
Soqanngilaq.

## **Punkt 18: Politikkikkut aalajangiussat ataavartinneqarnissaat pillugit siunnersuut**

### **Beslutning**

Kommunalbestyrelsip siunnersuummut taasinera:

7-it siunnersuummut akuersipput

11-it siunnersuummut itigartitsipput

Siunnersuutigineqartoq amerlanerussuteqartunit (IA aamma N) itigartitsissutigineqarpoq.

Siunnersuutigineqartoq ikinnerussuteqartunit (S aamma D) akuersissutigineqarpoq.

## Politikkikkut aalajangiussat ataavartinneqarnissaat pillugit siunnersuut

Kommunalbestyrelsimut ilaasortap Dorthe-Marie Mogensen-Fontainip (S) Kommunalbestyrelsimut siunnersuutaa

Aalajangiiffigisassaq

SagsID.: EMN-2022-09137

Suliffeqarfimmud Kiffartuussivik – kommunaldirektøri Ole Jakobsen / OJAK

### Inassuteqaat

Kommunalbestyrelsimut ilaasortap Dorthe-Marie Mogensen-Fontainip Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

### Suliassamik saqqummiussineq

Kommunalbestyrelsimut ilaasortaq Dorthe-Marie Mogensen-Fontain ulloq 11. novembar 2022 Kommunalbestyrelsip aalajangiiffigisassaatut siunnersuummik nassiussivoq. Dorthe-Marie Mogensen-Fontainip aalajangiiffigisassaatut siunnersuutigaa, Paamiuni aamma Tasiilami Illorput 2000-inik pilersitsinissaq pillugu sanaartugassatut siunnersuutaasimasut ingerlatiinnarneqarnissaat Kommunalbestyrelsimi isummerfigineqassasoq.

### Tunngavilersuut:

*“Politikkikkut aalajangiussat ataavartinneqarneri borgmesterip isumagisussavai.*

*Kommunalbestyrelse aqunneqarnerani oqartussani tamani qulliuvoq. Aalajangiussat suulluunniit Borgmesterip qulakkiigassarai ataavartinneqassasut. Tamanna kommunit aqunneqarnerat inatsimmi siullertut allaqqavoq.*

*“§ 1. Kommunip susasaqarfiini kommunalbestyrelse aqutsisuuvoq. Borgmesterimullu tunngatillugu kapital 3-mi § 19 ima allaqqasooqarluni”*

*“§ 19. Borgmesterip kommunip ulluinnarni allaffissornikkut aqunneqarnera isumagissavaa, suliassat ataatsimiititalianut ataavartunut ingerlateqqittarlugit, kiisalu suliassat kommunalbestyrelsimi aalajangiiffigisariaqartut aalajangiiffigineqarnissaannut naammattumik qulaajarneqarsimanissaat isumagisarlugu. Borgmesterip suliak suliarineqarnerat nakkutigissavaa, pisariaqartumillu ilitsersuusiornissat aqqissuutissallugu.*

*Imm. 2 Borgmesterip isumagissavaa aningaasartuuteqartoqaranilu isertitaqartoqassanngitsoq pisariaqartumik akuersissummik peqartoqartinnagu.”*

*Uani missingersuutitut isumaqatigiissut partinit tamanit atsiorneqartoq aalajangiussaqqarpoq Tasiilami Paamiunilu illuliortitsinermut tunngasumik ima allaqqasumik:*

*“Paamiuni Tasiilamilu inissiat amerlineqassapput. Kommunalbestyrelsimi aningaasat atorlugit sapinngisamik pitsaanerpaamik amerlanerpaanillu inissianik qulakkeerinninnissaq pillugu, siunnessami sinerissami illoqarfinni Illorput 2000-inik pilersitsinissaq siunnersuutigineqarpoq. Kommunalbestyrelsip ukiuni tullerni sisamani Paamiuni Tasiilamilu inissiat amerlinissaannut katillugit 34,5 mik-koruunit immikkoortippai. Tamatuma saniatigut Tunumi najugaqartumik sanaartornermut ilisimasalimmik atorfinitsinissamut aningaasanik immikkoortitsisoqarpoq.*

*Uani sanaartornissamut partiinit tamanit atsiorneqartumi illorput 2000-inik siunnersuuteqartoqarpoq, atsioqatigiinnermilu naatsorsuutigineqarpoq illoqarfinni taakkunani marluusuni illorput 2000-it sanaartorneqarnissaat siunnerfigineqarput, taamaattumillu uani borgmesterip suliakkerneqarnermini qulakkiigassaralugu taakkuninnga sanaartortoqarnissaa.”*

*Pilersaarullu maanna allatorujussuaq isikkunikkiartorpoq, allaallumi Paamiuni sanaartornissaq allaat unitsinniarneqartutullusooq allaat inissisimalertarluni.*

*Illuliassat taakku nunatsinnut tulluarsagaaneri Tasiilamut pitsaaqutitaqarput, tassami qanittukkut takuarput pitera qanoq sakkortutigisoq. Taamaattumik inissianik blokkinik sanaartorneq pilersaarutaasoq 2016-imili isumagisassaagaluartoq unitsillugu illuliortiternissaq siunniussa allannguuteqarujussuarsimanera uani apeqquusernaqaaq, politikikkut aalajangiussat allanngortiterniarneqartuarneri pitsaasuunngimmat.*

*Unali aalajangiiffigisassatut siunnersuutigerusuppara, sanaartugassatut siunnersuutaasut attatiinneqarnissaat ingerlanneqassasoq Paamiunut tunngatillugu. Illoqarfiup isikkorisassaa ineriartornissaa ineqarfigissaanissarluni uani uagut akisussaaffigaarput. Maanna Paamiuni blokkinik paaaleruttorput, taamaattumillu illuliortiternissat qilanaarineqangaartut inissaqarlualutik illoqarfigisatsinni. Taakkuussapputtaaq innuttaasunut illoqarfitsinnut iluaqutaalluurtussat. Blokkinin inissiani najugaqarneq assigiinngitsutigut pitsaanngitsumik pilersitsisarpoq, tamannalu Paamiuni ilisimaarilluinnarparput. Taamaattumik aalajangiussatut siunnersuutigineqartut attanneqarnissaat uani illorput 2000 Paamiuni Tasiilamilu sanaartugassatut ingerlatiinneqarnissaat kissaatigaara ilissinnullu aalajangiunneqareersoq naqissuseqqinneqarnissaa isummerfigeqqullugu.”*

### **Siunnersuut qanoq aningaasaliiffigineqassava?**

Budget-ip sammineqarnissanut ilanngunneqarnissaa Dorthe-Marie Mogensen-Fontainimit kissaatigineqarpoq.

### **Inatsisitigut tunngavissaq allakkallu tunngaviusumik uppersaatitallit**

- Kommunit aqunneqarnerat pillugu Inatsisartut inatsisaat nr, 29, 17, november 2017-imeersoq:  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsimut suleriaasissaatut aalajangersagaq §3:  
Kommunalbestyrelsimut ilaasortaq kialuunniit kommunip susassaarfii pillugit kommunalbestyrelsimut suliaassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliaq suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

### **Ilanngussat**

Soqanngilaq.

## **Punkt 19: Lukket**

## **Punkt 20: Lukket**

## **Punkt 21: Lukket**

## **Punkt 22: Lukket**

## **Punkt 23: Lukket**

## **Punkt 24: Lukket**

## **Punkt 25: Lukket**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 18.53.